

肝膽部

脇痛

脇痛氣逆

腋腫

腋臭

諸疝

癩疝

疥疝

產小便痛

明腫遺精

小便不利

淋

胎前產後諸病

諸疝

諸疝

便數

小便黃赤

遺精

產後

諸疝

諸疝

諸疝

諸疝

霍亂轉筋

陰汗陰痒

陰冷

遺陰痛

諸疝

諸疝

諸疝

肝



醫學綱目卷之十四

肝膽部

脇痛

脇痛氣逆

附腋腫

腋臭

肝實則脇痛善怒中熱

丹肝水氣實肝火盛而脇痛者當歸龍薈丸為瀉肝火要藥。脇痛甚者用生姜自然汁吞下龍薈丸以肝火盛也。

龍薈丸方見治法門肝實條

經云肝氣實則怒。又云肝痛者兩脇下痛引少腹善怒。龍薈丸治肝實脇痛其人氣收者善怒是也。甚則用姜汁吞下經云風木淫勝治以辛涼是也。

壽四郎右脇痛小便赤少脉少弦不數此內有陳久積痰飲因外感風寒所遏不能宣散所以作痛與龍薈丸三十粒保和丸三十粒細嚼姜片以熱湯下服後脇痛已安小便尚赤少再與。

白朮三

陳皮

芍藥各二

木通半

條苓分一 甘草分五

右姜三片煎熱飲之

一婦人脾疼帶脇痛口微乾問已多年時尚秋用二陳湯加川芎乾葛青皮木通下蘆薈丸二十粒章宅張郎氣痛自右脇時作時止脈沉而弦小便時有赤色吞酸喜嘔出食此濕痰在脾肺間所以肝善乘之小柴胡湯去黃芩加川芎白朮木通芍藥滑石生薑煎湯下保和丸三十五粒

一婦人氣暈兩脇胃背皆痛口乾

青皮

半夏分五

白朮

黃芩

川芎分三

木通分五

陳皮分二

桔梗分二

甘草分五

右分六帖煎熱服 又脇下有食積一條扛起加吳茱

脇痛挾食積

黃炒黃連

肝虛脇痛中情

本治因驚傷肝脇骨裡疼痛不巳桂枝散

枳殼一分

桂枝分半

右為細末每服二錢姜棗湯調下

潔勻氣散專治脇痛

山梔

熟地

茯苓

細辛

桂心

川芎分各等

右研為末加羊脂煎服

本治脇下疼痛不可忍兼治肺弱等葛湯

川芎

乾葛

桂枝

細辛

枳殼

人參

芍藥

麻黃

防風各半

甘草分二

右為粗末每服五錢水二盞生姜三片同煎至七分法

香温服日三服有汗避風

治脇下風氣作塊寒疝發則連小腹痛按心其積屬肝在右脇下故病發則右脇手足頭面昏痛不思飲食

乾葛兩

麻黃分

附子个

川芎

防風

當歸

枳實

芍藥

桂枝

羌活

甘草絡四

右為粗末每服四錢水一盞半生姜三片同煎至七分去渣服日三有汗避風

治脇痛如前兼去手足枯悴薏苡仁丸

薏苡仁兩

石斛用細者

附子兩

牛膝

生地黄各三

細辛

人參

枳殼

栝子仁

川芎

當歸各半

甘草

桃仁各一

右為細末煉蜜丸如桐子大每服三四十丸酒吞下食前且三服在子食前者散食後相兼服為佳

治悲哀煩惱傷肝氣至兩脇骨疼筋脉緊腰脚重滯兩股筋急兩脇牽痛四肢不能舉漸至春痿卒急此藥大治脇痛枳殼煮散

枳殼四兩

細辛

桔梗

防風

川芎各二

葛根半

甘草

右為粗末每服四錢水一盞半生姜重同煎至七分去渣空心食前温服

右肝虛脇痛經所謂木不及病中清眩脇痛是也中清謂中有寒也熱實脇痛當歸龍吟丸是也

仲脇下偏痛發熱其脉弦緊此寒也以温藥下之宜大黃附子湯

寒熱實

大黃二 附子二枚 細辛二
右三味以水五升煮取二升分溫三服若強人煮取二升半分溫三服服後如人行四五里更進三服

神保丸治心膈痛腹痛血痛腎氣脇下痛大便不通氣噎宿食不消

木香二 胡椒二 巴豆十枚 去皮
乾蝎七

右四味共為末湯浸蒸餅為丸如麻子大亦用硃砂為衣每服五丸心膈痛柿蒂燈心湯下腹痛柿蒂煨姜湯下血痛炒姜醋湯下腎氣脇下痛茴香酒下大便不通蜜湯調栳榔末一錢下氣噎木香湯下宿食不消茶酒任下

許學士云沈存中良方載項在建陽醫者王琪言諸氣唯

痰氣

膀胱脇下痛最難治謂神保丸能治之熙寧中病項筋骨痛諸醫皆作風治之數月不瘥乃流入于背齣又臂牽痛甚苦憶琪語有証乃合服之一服而瘥再發又一服立効
紫葳丸治脇下疼癖痛如神方見內
丹控涎丹治一身氣痛及脇走痛痰挾死血加桃仁泥丸
脇痛有痰流注二陳加南星川芎蒼朮實者控涎丹下之
本治男子兩脇疼痛枳實散

枳實一 白芍藥炒 雀腦等 人參各半
右細末姜蜜湯調一錢酒亦得食前日三服

東調中順氣丸治三焦痞滯水飲停積脇下虛滿或時刺痛

木香 白芷去 青皮炮 京三稜炮各
陳皮 大附子各二 半夏湯炮七 縮砂去

檳榔 沉香各半
右為末煮麪糊為丸如桐子大每服三十丸漸加六十丸食後陳皮湯送下

沉香導氣散治一切氣不升降脇肋痞塞

- 沉香二斤
- 人參五斤
- 檳榔二斤
- 白朮
- 烏藥炒
- 麥蘖炒
- 神麴炒
- 紫蘇葉
- 大腹皮炒
- 厚朴製各
- 訶子皮炮半
- 香附炮半
- 姜黃
- 橘紅
- 甘草各四
- 京三稜二
- 廣茂炮四
- 益智二
- 紅花四

右為細末每服二錢食前沸湯點服

汚血 丹溪云脇痛有死血者桃仁紅花川芎之類是也若跌撲脇痛者亦為汚血流歸脇下而痛東垣復元活血湯之類是也治法見跌撲傷損門

運氣

運氣脇痛者鄉境皆病脇痛也其証有二

其一風木助肝氣實而痛經云厥陰所至為脇痛又云厥陰在泉風淫所勝民病兩脇裡急支滿又云少陽司天之政初之氣風勝乃搖候乃大溫其病脇痛治以涼劑得痊也

其二燥金攻肝虛而痛經云少陽所至為脇痛又云陽明司夫燥氣下臨肝氣上從脇痛又云少陰司天地乃燥婁淫數至脇痛善太息又云歲木不及燥乃大行民病中清肢脇痛治以溫劑得痊也

針灸

內經灸刺脇痛有三法

其一取肝經云肝病者兩脇下痛引小腹善怒取其經厥陰與少陽又云邪在肝則兩脇中痛寒中惡血在內行善

掣節時脚腫取之行間以引脇下補三里以溫胃中取血
 脈以散惡血取耳間青脈以去其壅是也
 其二取膽絡經云邪客足少陽之絡令人脇痛不得息欬
 而汗刺足小指次指爪甲上與肉交者各一痛不得息立
 已汗出立止欬者溫表飲食一已已左刺右右刺左其病
 不已復刺如法是也
 其三取心經云心手少陽脈所生病者目黃脇痛視虛實
 熱寒陷下施補瀉疾留灸之法也
 集脇痛懸鍾 竅陰此二穴左取右右取左 外關
 三里此二穴正取
 又法 支溝 章門 中封
 陽陵泉治閉 行間瀉肝 期門治傷寒
 治脇并胸痛不可忍 期門分 章門六分灸七壯
 至七壯

行間 丘墟 湧泉
 東胸脇痛 期門沿皮 支溝 膽俞沿皮
 胸脇脹滿痛 公孫 三里
 太衝 三陰交 腰脇痛 環跳
 至陰 太白 陽輔
 撮脇助痛 支溝透間使 外關透內關如取支溝
 通脇痛 陽陵泉 外關不必再取外關
 甲脇下支滿嘔吐逆陽陵泉主之 腹中氣脹噎噎不嗜
 食脇下痛陰陵泉主之
 仲寸口脈弦者即脇下拘急而痛其人膏肓惡寒也
 靈合腋張脇者肺下肺下則居貫膈善脇下痛 青色
 粗理者肝大肝大則逼胃迫咽則苦膈中且脇下痛
 凡脇骨偏舉者肝偏傾肝偏傾則脇下痛 損唇者脾高

診

脾高則引季脇而痛俱見本藏篇 脾滿氣逆見端

針灸
腋腫

內經 灸刺腋腫有二法

其一取膽經云膽足少陽之脈所生病者缺盆中腫痛腋

腋氣

下腫是也

其二取心經云心主手少陰脈是動則病手心熱腋腫皆

視虛實寒熱陷下施補瀉疾留灸也

丹腋氣神效方

又方

- 蜜陀僧兩 白礬七錢 硃砂許少 射香許少
- 右為細末先用皂角煎湯洗後傳上
- 銅青 蜜陀僧 辰砂 白礬
- 硃砂 白附子

亦如前法搽之

本治腋氣用夜明砂不拘多少為末用豆豉汁調塗立效
又方以銅青好者不以多少米醋調成膏先洗淨腋下用
輕粉搽過却使土伴塗之立效

經治狐臭用生薑塗腋下絕根本

三因治狐臭大蜘蛛一箇以黃泥入少赤石脂搗羅極細
入鹽少許杵為一窠包藏蜘蛛在內以火燒令通紅放冷
剖開將蜘蛛研細臨臥入輕粉一字用醃醋調成膏付腋
下明日登廁必瀉下墨汗臭穢不可聞於遠僻處傾埋之
免致染人

世治腋氣先用刀削去腋毛淨用白定粉水調搽傳患處
至過六七日夜後次日早看腋下有一黑點如針孔大用
筆點定即用艾炷灸七枚灸過攻心中痛當用後藥下之

青木香

檳榔

丁香

檀香

射香

大黃

右煎服以下為度

諸疝附少腹痛一治法

癰疝

狐疝

產小腹痛

大法

疝痛屬足厥陰肝經也小腹亦肝經也故疝痛與小腹痛同一治法所謂疝者辜丸連小腹痛也其痛有獨在辜丸者有獨在小腹偏於一邊者有辜丸如升斗者癰疝是也又立臥出入往來者狐疝是也

丹疝痛之甚者也辜丸連小腹急痛也有痛在辜丸者有痛在五樞穴邊者皆足厥陰之經也或有形或無形或有聲或無聲或有形如瓜有聲如蛙者素問以下歷代名醫皆以為寒蓋寒主收引經絡得寒收引不行所以作痛理固然也有得寒而無疝者又必有說通之可也予嘗因門

歷代獨治外東

戶上履霜雪湯求徒涉不曾病此以予素無熱在內也因而思之此症始於濕熱在經鬱而至交又感寒氣外束濕熱之邪不得疏散所以作痛若只作寒論恐為未備或曰此症多客厥陰一經其道遠其位卑鬱積濕熱何由而致予曰大勞則火起於筋醉飽則火起於胃房勞則火起於腎大怒則火起於肝本經火積之久母能生子濕氣便盛厥陰屬木係於肝為將軍之官其性急速火性又暴為寒所束宜痛之亦太暴也愚見有用烏頭施子等分作湯用之其効亦敏後因此方隨症與形加減用之無有不應然濕熱又須分多少而施治但濕者腫多癰疝是也又有挾虛而發者當以參朮為君而以疏導藥佐之於其脉不甚沉急而太謬無力者是也然其痛亦輕性覺重墮牽引耳

羅丁香練實丸治男子七疝痛不可忍者婦人痕聚帶下

皆任脉所至陰經也乃肝腎受病治法同歸於一

當歸去 附子炮去 川練子 茴香略 一

右剉碎以好酒三升煮酒盡為度焙乾作細末每藥

末二兩入下項藥

丁香五 全蝎針 玄胡索五 木香五

右四味同為細末入前項當歸等末內拌勻酒糊為丸

如桐子大每服三十九至百丸溫酒吞送下丁方無

香名苦練 凡如氣帶下皆屬於風全蝎治風之聖藥也

川練茴香皆入小腹經當歸玄胡索和血止痛如氣帶

下皆積寒邪於小腸之間故以附子佐之丁香木香為

引導也漆匠韓提控心氣每發痛不可忍則於榻兩末

各置一枕往來伏之以受如是三年不已服此藥三劑

良愈

丁香如氣丸治臍下撮急疼痛并臍下週身一遭皆急痛
小便頻數清其五脉急洪緩瀦沉按之皆虛獨腎脉按之
不急皆虛無方名曰腎病

當歸 茴香略 甘草稍 麻黃根節

丁香五 全蝎針 玄胡詳 羌活稍

肉桂錢 防己錢 川烏詳

右件為細末酒糊丸如雞豆大每服五十九丸淡鹽湯送

下須空心宿食消盡服之

羅當歸四逆湯治男子婦女如氣臍下冷痛相引腰膝而

疼

當歸稍 附子炒 官桂 茴香炒

芍藥四 玄胡索 川練子 茯苓各

澤瀉分 柴胡五

右研為粗末都作一服水煎空心服

玄胡索苦練湯治臍下冷撮痛陰冷木寒

肉桂分三 附子分三 熟地黄錢一 甘草稍錢半

苦練子仁 黃柏引臘 玄胡索仁

右件都作一服水四盞煎至一盞依法食前服

右四方桂附治寒玄胡當歸川練茴香丁香木香和血

調氣蓋寒症挾汚血滯氣者宜之

葫蘆巴丸治大人小兒小腸氣蟠腸奔豚疝氣偏墜陰腫

小腹有形如卵上下來去痛不可忍或絞結纏臍攻刺嘔

吐悶亂並皆治之

葫蘆巴兩 茴香鹽炒 吳茱萸湯洗炒

川練子去核炒 巴戟去心炒

川烏炮去皮火 黑丑炒取頭

右研為細末酒糊為丸如桐子大每服十五丸至二十丸正空心溫酒送下小兒五丸茴香湯下食前一服無黑丑

衍葫蘆巴本經云得茴香桃仁治膀胱氣甚効嘗合用桃

仁麩炒各等分拌酒糊丸半為散每服五七丸空心食

前鹽酒下散以熱米飲調下與丸子相間空心各一二服

効

丹腎氣丸

茴香 破故布 吳茱萸鹽炒各

木香二錢 葫蘆巴十錢

右為細末蘿蔔湯下丸鹽湯下

右三方葫蘆巴破故布巴戟為君蓋疝而元陽素虛少

者宜之

本治小腸氣不可忍者

烏藥湯碎酒

高良姜剉

茴香剉

青皮去白

右研為末每服二錢遇發熱酒調下

治遠年小腸氣衆醫不瘥者

硫黃

茴香剉 鐵器各 硃

右研為末每服五錢用熱酒調空心服除根本

川練散

木香剉

茴香剉 鹽一匙 下處

川練子一兩 剉細 用巴豆十粒 打

右研為細末每服二錢空心食前調下

垣天台烏藥散

烏藥

木香

茴香剉

良姜剉

換榔錢

川練子剉

巴豆十四粒

青皮半兩

右八味先以巴豆打碎一兩 練實用麩炒候黑色 去巴

莖麩 俱不用外為細末每服一錢溫酒調下痛甚炒生

薑熱酒下亦得

簡木香練子散治小腸疝氣膀胱偏墜久藥不效者服此

其効如神

川練子三十箇 巴豆二十粒 同炒黃赤色

藜蘆半兩

石菖蒲剉

青木香剉

荔枝核二枚 炒

右研為細末每服二錢八射香少許空心炒茴香鹽酒

調下

右以巴豆炒藥例許云云 太抵此疾因虛而得之不

可以虛驟補邪之所聚其氣必虛留而不去其病則實

矣故必先滌去所食之邪熱然後補之是以諸藥多借
巴菝氣者蓋為此也

仲寒如腹中痛通冷手足不仁若身疼痲刺諸藥不能
治抵當烏頭桂枝湯主之

右用烏頭一兩以蜜二升煎減半去渣以桂枝湯五合
解之令得二升後初服二合不知再服三合又不知復
加至五六合其知者如醉狀得吐者為中病桂枝湯方見
以附子建中湯加烏頭
煎治痲即此法也

腹痛脉弦而緊弦則衝氣不行即惡寒厥則不欲食邪正
相搏即為暴心寒心纏膈痛若發則自汗出手足厥冷其
脈沉弦者大烏頭煎主之脉經云邪
正作弦緊
大烏頭煎去皮不吸咀以水三升煮取一
升去渣納蜜二升煎令水氣盡作湯服食
後一服過後再不作矣

治諸痲方

枳實九粒

桃仁十四

山梔九箇炒

吳茱萸七粒炒

山查四粒炒

生姜如指大

右味同入搗盆搗細取順流水一鍾入瓶內煎至微沸
帶香服如濕勝癩疔者加荔枝核如痛甚者加鹽炒大
茴香二錢如痛處可按者加薄桂少許

又方治痲痛

山梔二兩炒

山查四兩炒

枳實炒

茴香各二兩炒

柴胡

牡丹皮

八角茴香炒

桃仁

茱萸炒

右研為末酒糊丸空心鹽湯下五六十九丸
治陽明受濕熱傳入太陽發熱惡寒小腹連毛際間悶痛
不可忍

梔子仁炒 桃仁炒 枳實炒 山查各等分

右味同研細入生姜汁半合同水一小鍾盪起熱令沸熱服之下方加萊萹

楊淳三哥因舊有腎氣上引乳邊及右脇痛多痰有時膈上痞塞大腑秘結平時少汗脉弦甚與保和温中各一十丸研栝仁郁李仁吞之

本治膀胱氣痛茴香散

茴香 金鈴子肉 蓬莪朮 京三稜各一

甘草半兩

右為細末每服二錢熱酒調下每發痛甚連日只三二服立定

治膀胱氣金練散

巴豆一百粒

川練子二十四箇湯浸去薄皮切作片子

右三味用麩二升同炒令黃赤去麩與巴豆不用只將川練練肉一味為末每服三錢温酒空心送下余閱古今一切名方無如此奇特有效下方川練子不用巴豆炒亦妙

靈胃中熱腸中寒則疾饑小腹痛脹師傳篇○疾飢胃熱痛脹腸寒也

丹諸疝痛處用手按之不痛者屬虛必用桂枝炒山梔細切川烏頭等分為細末生姜自然汁打糊為丸如桐子大每服三四十九空腹白湯下

疝可按者並于歷代獨治外寒條下求之丹溪云疝有按虛而發者其脉不甚沉緊而大豁無力者是也然其痛亦輕惟覺重墜牽引耳當以參朮為君疏導藥佐之蓋疏導藥即桃仁山查枳實梔仁萊萹川練玄胡索丁香木香之類以佐參朮之類是也

按之不痛屬虛

海婢提領因疾服京劑數日遂病臍腹下大痛幾至於死
與姜附等劑雖稍蘇痛不已隨本方內倍芍藥服之愈
羅疝氣治驗○癸丑歲治火兒赤憐及病疝氣復因七月
間饑飽勞役過飲潼乳所發甚于初面色青黃不澤臍腹
陣痛搯撮不可忍腰不能伸熱物熨之稍緩脉得沉小而
急予思難經有云任之為病男子內結七疝皆積寒于小
腸所致也非大熱之劑即不能愈遂制一方名之曰沉香
桂附丸每服一百丸空心溫酒下間服天台烏藥散旬日
良愈明年秋如故
沉香桂附丸治中氣虛弱脾胃虛寒飲食不美氣不調和
退陰助陽除臟腑積冷心腹疼痛脇肋膨脹腹中雷鳴面
色不澤手足厥逆便利無度又治下焦陽虛及療疝疝痛
引小腹不可忍腰痛不能伸喜熱熨稍緩

沉香 附子炮去皮 川烏炮去皮 乾姜炮
良姜炒 官桂去皮 茱萸洗 茴香炮各
右研為細末醋煮麵糊為丸如桐子大每服五十九至
七八十九止空心食前熱米飲湯下日三服忌冷物
丹治疝疝痛方

川烏頭細切 梔子仁去壳
右各等分煎湯服之神效濕多癩腫者烏頭為君蓋川
烏頭治外束之寒梔子仁治內鬱之熱也
羅陰疝足厥陰之脈環陰器抵小腹或痛因腎虛寒水涸
竭瀉邪補肝宜以蒺藜湯主之
蒺藜湯治陰疝牽引小腹諸厥疝即陰疝也房慾勞痛
不可忍者

蒺藜炒去 附子炮去皮 山梔仁各半

右研為末每服三錢水一盞半煎至七分去渣食前溫服

丹又方

橘核 桃仁 槐子 茱萸
川烏各等分

右研煎服

治疝作急痛

蒼朮炒鹽 香附炒 茴香炒為 黃柏酒炒
青皮 玄胡索 益智 苑仁臣

附子鹽水 甘草為

右研為末作湯服後一痛過更不再作矣

仲寒疝腹中痛及脇痛裏急者當歸生薑羊肉湯主之

當歸三兩 生薑五兩 羊肉一斤

按之而痛者為實

丹諸疝痛處用手按之大痛者為實也

羅疝氣痛及脚膝無力控辜証 至真大要論云小腹控辜引腰脊上衝心唾出清水及為穢噫甚則入心善忘善悲甲之經曰邪在小腸也小腸病者小腹痛引腰脊貫肝肺其經虛不足則風冷乘間而入邪氣既入則厥証上衝肝肺客冷散于胸結於臍控引辜丸上而不下痛而入腹甚則衝于心胸蓋其經絡所係也啓玄子云控引也辜陰丸也

右上一三味以水八升煮取三升溫服七合一日三服若寒多者加生薑十片痛多而嘔者加陳皮二兩白朮一兩如加生薑者亦加水五升煮取三升二合服之衍義云張仲景治寒疝用生薑羊肉湯服之無不應驗有婦人產當寒月寒氣入產門腹臍以下脹滿手不敢犯此寒疝也師將治之以此湯謂有瘀血非其治也可服張仲景羊肉湯二服遂愈

大便不利者利

控引舉丸治小腸痛結上而不下痛引心臍即東垣茴香練實丸按之

川練子

茴香炒

吳茱萸湯洗

青皮

陳皮略一

芫花醋炒

馬蘭花醋炒

右為細末醋糊為丸如桐子大每服三十九丸溫酒送下食前服量虛實加減以利為度

本治小腸氣痛撞腹面青唇黑欲死者

木香

茵陳

芫花

甘遂各等分

右四件為末每服二錢水一盞煎至七分去香溫服服過此藥後應犯甘草藥皆不得吃恐與甘遂相反故也其藥甚妙亦甚有理屢有驗効

礪砂丸

木香

沉香

巴豆肉各一兩

青皮二兩不去皮

銅青半兩研

礪砂一錢研

右已上二香青皮三味細研同巴豆慢火炒令紫色為度去巴豆為細末入礪砂二味同研勻蒸餹和丸如梧桐子大每服七丸至十九丸鹽湯吞下日二三服空心食前服

子和律科玉敏之病寒疝臍下結聚如黃瓜每發繞臍急痛不能忍戴師先以舟車丸及猪腎散下四五行覺藥繞病三五次而下其瀉皆水也猪腎甘遂皆苦寒經言以寒治寒萬舉萬全但下後忌飲冷水及寒物宜食乾物以塞疝本是水故也即日病減八分食進一倍又數日以舟車丸百餘粒通經散四五錢服之利下候三四日又服舟車丸七人十位猪腎散三錢乃健步如常矣 近穎尾丁夫病卒疝赤腫大痛數日不止余以導水丸一百五十九令

三次咽之次以通經散三錢空腹淡酒調下五更下二三
十行腫痛皆去不三日平復如故

右治實利大便形氣實脈有力者宜之

小便利者利

杜三十七太尉忽患小腸氣痛醫官及京城醫家用藥皆
不効每發幾死上召杜至進藥數服不驗大尉曰我命
不又致良醫不能治上召杜問所以杜對臣用古方書皆
不獲愈今日撰一方容進上杜曰撰方已成未敢進先合
藥以進太尉服之愈八九再服全愈然後進方名曰救
命通心散川烏頭一兩用青鹽一錢酒一盞浸一宿去皮
尖焙乾川練子一兩用巴豆二十一粒同炒候黑色去巴
豆茴香半兩石燕一對土狗五枚芥子一錢木分爲末每
服三錢入羊石子內濕昏煨香熟夜半時用好酒半升入
鹽細嚼石子以酒嚥下不得作聲小便大利其病遂去

家今秘此方

頃在嶽城日飲尉宋荀甫膀胱氣作疼不可忍醫者以
剛劑與之痛愈甚小便不通三日矣臍下虛脹心悶予因
候之見其面赤黑脉洪大予曰投熱藥太過陰陽痞塞氣
不得通爲之奈何宋尚手持四神丹數粒云醫謂不止更
服此予曰若服此定斃後無悔渠求治予適有五苓散下
兩許令三服用連鬚葱一莖茴香一撮搗一錢水一盞半
煎至七分令接續三服中夜下小便如墨汁者一二升臍
下寬得睡翌日臍之脉已平安矣續用礪砂丸與之數日
瘥

右利小便治疝常治謝人妻小腹疼痛小便不通先艾
灸三陰交以茴香丁香青皮枳榔桂枝茱萸玄胡索山查
枳實又倍用黃柏煎服之愈

小腹有死血

丹赤學朱同道年四十歲八月望雨後得涼半夜後腹痛甚汗如雨兩脚踏破壁痛在小腹手不可近六脉弦而細實重取如循刀刃青貴然問之云六月大熱時于深潭浴承病或起於此與大承氣湯大便微利痛遂頓止至次日酉時其痛復作痛在小腹堅硬手不可近又與大承氣加桂兩服研堯仁同煎大便下紫黑血升餘而痛頓止至次日酉時痛復作如初脉雖稍減而貴然猶在與大承氣湯加附子兩貼研堯仁同煎下大便五行得黑紫血如破絮者二升許痛遂頓止一夜得睡次日酉時痛復如初詢知小腹和軟痛在臍腹間下脉亦和似若無病但呻吟如舊詢知乃食蘿菔菜苗莢兩頓與小建中湯一貼而愈
世一婦人少腹痛百藥不効一醫用杉木節童便煎服下血而愈

丹治膀胱氣急用蕪荑和食塩等分綿裹如棗大納下部或下水惡汁并下氣佳

斗治小腸氣用血師一兩米醋一升以火燒血師通赤粹入醋中以焯竭為度搗羅如麩用湯調下下太蓋即瘥如神血師代赭石也

聖治寒疝小腹及陰中相引而痛自汗出欲死丹參一兩杵為散每服熱酒調下二錢七

丹治諸疝發時用海石香附二味為末生薑汁湯調亦能治心痰

衍木賊細劉微炒搗為末沸湯點一錢服食前治小腸膀胱氣緩緩必効

本治疝氣

青礬一兩

白礬一兩各為粗末

右用小瓦罐子一隻入二藥在內用麻皮縛緊搗鹽泥封固以炭五斤煨令通紅盡炭為度取出埋地穴中伏一宿出火毒醋糊為丸如菘豆大每服十九空心鹽湯送下或白湯亦可

運氣肝受邪小腹痛引脇

運氣小腹痛有三一曰肝病小腹痛引脇痛是也經云厥陰之復少腹堅滿裏急暴痛是風氣助肝盛而然治法當瀉肝也又云歲金太過民病兩腹下痛小腹痛又云歲木不及燥乃大行民病中清眩脇痛少腹痛又云歲土不及風乃大行民病腹痛復則胸脇暴痛下引小腹若是燥邪攻肝虛而然治法當補肝瀉金也又寒氣客於厥陰之脉則血泣脉急故脇肋與小腹相引痛者治法亦同也全文見諸痛門
二曰小腸其病小腹痛引墜九腰脊痛是也經云少陰之脈心下執善饑臍下痛又云少陰之復燠熱內作小腹痛絞痛

小腸受邪小腹痛引墜九

者是熱助小腸盛而然治法當瀉小腸也又太陽在泉寒淫所勝與太陽之復皆病小腹痛引腰脊上衝心痛及太陰司天大寒且至病小腹痛者是寒邪攻小腸虛而然治法當補小腸瀉寒邪也

膀胱受邪小腹痛腫不得小便

三曰膀胱其病小腹痛腫不得小便是也經云太陰在泉病小腹痛腫不得小便者是濕邪攻膀胱虛而然治法當補膀胱瀉濕土邪也已上經文見運氣類註

針灸

內經刺灸小腹痛共四法一曰肝經曰肝病者兩脇下痛引小腹取其經厥陰小腸全文見灸刺門五臟條又曰邪客厥陰之絡令人卒疝暴痛刺足大指爪甲上與肉交者各一痛男子立已女子有頃已左取右右取左者是也全文見灸刺門穴府條二曰小腸經云病者小腹痛腰脊控舉而痛特窘之後取巨虛下廉又云小腸控舉引腰脊上衝心邪在小

腸取之，胃原以散之，刺太陰以予之，取厥陰以下之，巨虛下廉以去之，按其所過之經以調之，是也。全文並見針灸氣海，又心疝暴痛，取足太陰厥陰，盡刺去其血絡，靈樞熱穴也。風疝而分腸病，經云：心為牡藏，小腸為之使，故小腸當有形也。

三曰膀胱經。云：膀胱病者，小腹偏腫而痛，以手按之，即欲小便而不得，取委中穴。又云：小腹痛腫不得小便，邪在三焦，約取之，足太陽大絡者是也。全文見針灸門六腑條。

四曰督任衝脉。經文見如左：

素病在小腹，不得大小便，病名曰疝，得之寒，刺小腹兩股間，刺腰髀骨間，刺而多之，盡炁病已。長刺節篇：小腹兩股間，刺腰髀骨間，刺而多之，盡炁病已。問者氣衝穴也，衝脉起于氣衝，故也。腰髀間者，王註謂腰尻扶脊平立，隨者中按之有骨處是也。疝為寒生，故多刺少腹，盡熱乃止。針靈腎脉生病，從少腹上衝心而痛，不得前後為衝疝。任脉為病，男子內結七疝，女子帶下瘕聚。俱見骨空論。

摘元藏發動臍下痛不可忍

氣海 三陰交立愈

玉疝氣少腹偏痛

大敦二分沿度向後三分瀉之

三陰交一寸瀉

撮又法

大敦

水道

小海

桑又法

中極

印腎

摘卒疝少腹痛不可忍

大敦三分沿六

陰市二分灸

照海三分灸七壯已上

疝疝小腸膀胱腎餘疝氣

氣海 五樞各用屠針刺入五分灸百壯

三里 三陰交刺

桑疝

三陰交

三里

足三間

摘疝

行間

三里

集大法

關門

關元

水道

三陰交不已再取下穴

海底 歸來

摘少腹痛 關元 三里

甲陰跳遺溺小便難痛陰上下入腹中寒疝陰挺出偏大腫腹臍痛腹中怛怛不樂大敦主之 腹痛上搶心心下滿癢莖中痛怒瞋不欲視泣出長太息行間主之 環臍痛陰騫兩丸縮腹堅痛不得臥太衝主之 疝瘕臍少腹引痛腰中痛中封主之 陰跳腰腹痛實則挺長寒熱攣陰暴痛遺溺便大虛則暴痒氣逆腫壅卒疝小便不利如癢狀數噫恐悸氣不足腹中怛怛少腹痛噤中有熱有瘰肉狀如着欲出背攣不可俛仰蠶溝主之

右取藏經厥陰

男子陰疝兩丸上下少腹痛五樞主之 太疝腹堅坵墟主之

右取節經少陽

少腹痛發泄出糜次指熱若脉隔寒熱身痛唇乾不渴汗出毛髮焦脫肉少氣內有熱不欲動搖泄膿血腰引少腹痛暴驚狂言非常巨虛下廉主之 少腹痛控辜引腰脊疝痛上衝心腰脊強溺黃赤口乾小腸踰主之 疝瘕解中急痛循脇上下搶心腹痛積聚府舍主之 腹痛疝積聚上衝心雲門主之

右巨虛下廉小腸踰者取本腑也府舍雲門者刺太陰以予之也

四肢淫濼身悶癢疝至陰主之 臍疝繞臍痛衝胸不得息灸臍中 陰疝引辜陰交主之 少腹痛臥善驚氣海主之 臍疝繞臍痛石門主之 暴疝痛少腹大熱關元主之 少腹痛溺難陰下縱橫骨主之 男子陰端寒上

水疝其狀腎囊腫痛陰汗時出或囊腫而狀如水晶或囊
瘁而搔出黃水或少腹中按之作水聲得於飲水醉酒使
內過勞汗出而遇風寒濕之氣聚於囊中故水多令人為
卒死宜以逐水之劑下之有漏針去水者人多不得其法
筋疝其狀陰囊腫脹或潰或痛而裏急筋縮或莖中痛痛
極則瘕或挺縱不收或白物如精隨溲而下又而得於房
室勞傷及邪術所使宜以降心火之劑下之
血疝其狀如黃瓜在小腹兩旁橫骨兩端約中俗云便瘻
得於重感春夏太燥勞于使內氣血流溢滲入睥囊留而
不去結成癰腫膿少血多宜以和血之劑下之和血四物
湯調胃承
氣湯各半
服之是也
氣疝其狀上連腎區下及陰囊或因號哭忿怒則氣鬱之
而脹罷則氣散者是也有一治法以針出氣而愈者然針

有得失宜以散氣之藥下之或小兒亦有此疾俗云偏氣
得于父已年老或年少多病陰痿精怯強力入房因而有
子胎中病也此疝不治惟築賓一穴主之
狐疝其狀如瓦臥則入小腹行立則出小腹入囊中狐則
晝出穴而溺夜則入穴而不溺此疝出入上下往來正與
狐相類也亦與氣疝太同小異今人帶鉤錐是也宜以逐
氣流經之藥下之
癰疽其狀陰囊腫痛如升如斗不瘕不痛者是也得之地
氣卑濕所生故江淮之間秋溼之處多有此疾宜以去濕
之藥下之女子陰戶突出雖亦此類乃熱則不禁固也不
可便謂虛寒而溢之燥之補之本名曰癰宜以苦下之以
善取之王註云閉氣下墜陰氣上爭則瘕多下
墜則筋緩故舉重筋緩因作癰疝也
已上七疝下去其病之後可調則調可補則補各量病勢

勿拘俗法經所謂陰盛則腹脹不通者瘰癧也也不可不下
右疝圖雖七然寒疝即疝之總名水疝即癰疝之屬氣
疝即狐疝之屬血疝即癰疝之屬惟筋疝罕見之蓋下
疝瘡之屬也

癰疝

聖囊腫大如升如斗是也

下部癰氣不痛之方細思非痛斷房事與厚味不可用
藥惟促其毒若蒼朮神麩白芷山查川芎枳實半夏白芷
藥人視其藥皆鄙賤之物以啓慢心文不能斷然以護
其根本非徒無益而反被其害者多矣且其藥宜隨時月
寒濕更按君臣佐使加減大抵癰疝屬濕多

蒼朮

神麩

白芷

山查

川芎

枳實

半夏

南星

右神麩糊為丸有熱加山梔一兩堅硬加朴硝半兩秋
冬加吳茱萸二錢半

癰疝

南星

山查

蒼朮

白芷

半夏

枳實

神麩

海藻

昆布

玄明粉

吳茱萸

右為末酒糊丸

又方治末腎不痛

南星

半夏

黃柏

蒼朮

枳實

山查

白芷

神麩

滑石

茱萸

昆布

右為末酒糊丸空心鹽湯下方加枸杞子

無香附散治瀕脹用香附子不拘多少為末每用酒一盞
海藻一錢煎至半盞先撈海藻嚼細用所煎酒調末二錢
服

東又方治徧隆初生用川山甲茴香二味為細末酒送下
以乾物壓之

附本腎以楮木葉雄者晒乾為末酒糊為丸空心鹽酒下
本事方云無實者雄也

從小便
利惡物

繫海蛤九癩疔

海蛤醋煨
三次

當歸

海金沙

賦粉

硃砂各一

海藻

粉霜各五

水蛭二十一
條炒

青黛

滑石

乳香各一

硃砂為末

地龍二十一條
去頭足

右細末蓋黃麩糊為丸如小葶大硃砂為衣每服十九

煎燈心湯空心服之小便下冷膿惡物乃效却以黃連
紫荷車板藍根各二錢煎湯嗽口以固牙齒去板藍根
加骨伸

綿包取
汗

世治徧隆大者用乾姜桂各一兩為末以綿一兩水大三
碗同煮二十餘沸起晒乾又煮水盡為度用乾綿包陰左
汗出數次漸愈

癩氣痛
者易治

海地黃膏子丸治男子婦人臍下奔豚氣塊小腹疼痛卵
痛即控舉相似漸成腫陰陰痛上衝心腹不可忍者宜服
此藥

血竭

沉香

水香

廣茂炮

玄胡索

蛤蚧

人參

當歸

川芎

川練麩

續斷

白朮

全蝎

茴香炒

柴胡

吳茱萸

沒藥已上分兩不定
隨症加減用之

氣多者加青皮

右同為細末地黃膏子九桐子大空心溫酒下二十九
日加一九至二十九

簡安息香丸治陰氣下墜痛腹卵核腫大堅硬如石痛不
能忍者

玄胡索炒 海藻洗 昆布洗 青皮去

茴香炒 川練子去核 馬蘭花已上各
一兩半

木香半兩不
見火 大戟酒浸三宿切片
焙乾三錢半

右為細末另將礪砂真阿魏真安息香三味各二錢半
用酒一盞醋一盞將礪砂阿魏安息香淘去砂石用酒
醋各一盞熬成膏子再入麝香一錢沒藥一錢半俱各
另研細入前藥一同和丸如棗葶大每服十九至十五

九空心用綿子灰調酒下

本治膀胱疝氣外腎腫痛不可忍念珠丸

乳香各三錢 礪砂錢飛 黃蠟兩

右乳香礪砂同研勻塗蠟和為丸分作一百單丸以
線穿之露一宿次日用蛤粉為衣旋取用乳香湯下其
年有人貨疝疾藥自貨數斤有一國醫多金得之用之
良驗

熱鬱者
內疎之

中鄭子敬因吃酒後飲水與水泉偏腎大時作蛙聲或作
痛炒枳實一兩茴香鹽炒炒拖子各三錢研煎下保和丸

昌世官膀胱氣下墜如蛙聲真橘子核炒十枚桃仁二
十枚蘿蔔自然汁研下保和丸七下 是元年三十左腎
核腫痛此飲食中濕墜下成熟以搗核即臭 五枚桃仁七
枚細研順流水一盞煎沸熱下保和丸

寒束之
溫散之

本治膀胱腫硬牽引疼痛及治小腸氣陰囊腫毛間出水
宜服金鈴丸

金鈴子肉兩五

茴香炒

馬蘭花炒

兔絲子

海蛤

破故紙

木香各一兩

丁香各一兩

海帶各二兩

右細末糊丸如桐子大每服二三十九溫酒鹽湯空心

食前服

無大戟丸治陰癰腫脹或小腸氣痛

大戟去皮剉炒

胡蘆巴炒四兩

木香一兩

茴香

訶子煨去核

檳榔各半兩

川練五兩

麝香另研

右為末獨取川練以好酒二升葱白頭七枚長三四寸

煮川練軟去皮核取肉和上件藥杵丸如桐子大空心

按之脂
腫痛者
下之

溫酒下十九潮發疼痛炒姜熟酒下十五丸

抵聖丸治陰癰腫滿赤腫大便秘欲飲水按之臍腹痛

續隨子 薏苡仁 郁李仁 茵芋

白牽牛各一錢

右為末滴水丸如桐子大每服五丸用博濟方香姜散

嚙下黃昏服五更利下惡物效

子和汝南司候李審言因勞役王事飲冷水坐濕地乃濕

氣下行流入臍囊大腫痛不可忍以金鈴川練等藥不效

求治于戴人曰可服洩水丸審言感之又數日痛不可堪

竟從戴人先以舟車丸瀦川散下青綠水十餘行痛止後

用茴香丸五苓散以調之三日而腫消至老更不作

雜方

世綿包取汗方見癰疽

泚木腎以批杷葉野紫蘇葉蒼耳葉水晶蒲葡萄葉濃煎湯

薰洗

無雄黃散治陰腫大如斗核痛人所不能治

雄黃一兩

礬二兩

甘草生半兩

右剉散以水五升煎洗

失笑散治腎腫

荆芥一兩

朴硝二兩

右為粗末羅蔔葱同煎湯淋洗

梅治卒外腎腫痛大黃末醋和塗之乾即易之

佳治男子陰腫大如升核痛人所不能治者搗馬鞭草塗

之男子陰腫大如斗核痛人所不能治者蔓菁根搗傳

之

燥邪攻

運氣癩疔有一經云陽明司天燥淫所勝丈夫癩疔婦人

肝

小腸膀胱

針灸

然治法當補肝瀉燥金也至文見運氣類注

素厥陰所謂癩疔婦人少腹腫者厥陰者辰也三月陽中

之陰邪在中故曰癩疔少腹腫也所謂癩疔膚脹者曰陰

亦盛而脈脹不通故曰癩癢疔也俱解篇

三陽為病發寒熱下為癰腫及為痿厥喘痛其傳為癩疔

全文見診病傳變王註云喘者癢痛也

靈黃帝曰刺節言去爪夫子乃言刺關節肢絡慮卒聞之

岐伯曰腰脊者身之大關節也肢脛者人之管以趨翔也

莖垂者身中之機陰精之候津液之道也故飲食不節喜

怒不時津液內溢乃下流於壘血道不通日大不休俛仰

不便趨翔不能此病榮然有水不上不下鉞石所取形不

可匿常不得蔽故命曰去爪帝曰善刺節真邪篇

內經刺灸癩疔共四法其一節此篇文所謂鉞石取壘囊

中亦液者是也其法今世人亦多能之舉丸囊大如斗者
中藏穢液必有數升信知此出苦法也鐵針如
其二取肝經云足厥陰之脈是動則病丈夫癩疝婦人小
腹腫是也是于足厥陰肝經視盛虛熱寒陷下而施補瀉
留疾與灸也至文見針灸門十二經條
其三取肝之絡經云足厥陰之別名曰蠡溝去內踝五寸
別走少陽其別者徑脛上臑結于莖其病氣逆則臑腫卒
疝取之所別是也是於內踝上五寸貼脛骨後近肉處蠡
溝取之也全文見針灸門十五經條
其四取足陽明筋經云足陽明之筋聚於陰器上腹其病
轉筋臑前腫疝腹筋急治在燔針劫刺以知為數以痛
為輸是也是於轉筋痛處用火針刺之也
治偏墜當外腎縫沿皮針透即消

隼本有紅腫如升大不痛 大敦 三陰交 海底 歸

來在道下二寸針 水腎紅腫陰汗偏墜 闌門毛際

旁開二寸針 三陰交

甲癩疝大巨及地機中却主之 癩疝陰暴痛中封主之

于金云癩疝暴痛 氣滯癩疝陰急股拒膈內廉痛交信

痛痿厥身不仁 主之 丈夫癩疝陰跳痛引臑中不得溺腹支脇下指滿

閉癢陰痿後時泄四支不疼實則身疼痛汗不出目流淚

然無所見怒欲殺入暴痛引臑下節時有熱氣筋繼膝痛

不可屈伸狂如新發衄不食喘呼小腹痛引臑足厥痛漫

泉主之

撮木腎紅腫疼痛 然谷半針

世灸關元者月愈蓋灸之早方效

四前陰分大寒大熱囊垂縮 陰陽別論云二陽為病發

寒熱辨

卷之四

七

寒熱下為痿躄及為痲厥腦痛其傳為索澤文傳為痲痺
夫熱在外寒在內則氣垂此元夏之氣也寒在外熱在內
則卵縮此三冬之氣也足太陽膀胱之脈逆上迎于太陽
小腸之脈下行至足厥陰肝之脈不得伸其任脈並厥陰
之脈逆則如巨川之水致陽氣下墜是風寒濕熱下出囊
中致兩辜腫大謂之曰疝大其則為癰疔厥陰之脈與大
腸膀胱寒水之脈同至前陰之末傷寒家說足厥陰肝經
為病煩滿囊縮急下之宜大承氣湯以瀉大熱靈樞經云
足厥陰肝經筋中為寒則筋攣卵縮為大寒前說囊縮為
大熱此說為大寒此說囊縮垂辜下引癰疝脚氣為大寒
風濕益下垂為寒與上二說不同何也曰以平康不病人
論之夏暑大熱囊卵垂冬大寒急縮收上于前三說
又不同何也是相乖不相乖耶答曰傷寒家囊卵縮大

熱在內宜承氣湯急下之與經筋說囊卵縮大寒在外亦
是熱在內與傷寒家同故再引乎康人以證之冬太陽氣
在內陰氣在外人亦應之故寒在外則皮急皮急則囊縮
夏月陰氣在內陽氣在外人亦應之故熱在外則皮緩皮
緩則囊垂此癰疝之象也三說雖殊皆一理也用藥者宜
詳而審之已上三論各有所主兼此考訂則脈証陰陽寒
熱虛實之辨判然矣

狐疝

狐疝屬厥陰

臥則入腹立則出腹偏入囊中者是也

仲景療陰狐疝氣有大小時時上下者蜘蛛散主之

狐夜伏而晝見以其疝處厥陰之分即人之陰囊隱處之所晝下而夜上故以狐疝名焉

右為散每服一錢蜜丸亦可雷公云凡使勿用五色者

蜘蛛焦炒

桂枝錢要入厥陰

兼太身上有刺毛生者并薄小者已上皆不堪用須用
屋西南有網身小兒大腹內有蒼黃膿者其也凡用去
頭足了研如膏投藥中用此余之方法至若油其妙為用
全無勞矣

針灸

一方治赤癩偏大上下不定疼痛不止牡蠣不拘多少鹽
泥固濟炭三片煨令火盡冷取一二兩乾姜一二兩煨為細末
二味和勻冷水調得所塗病處小便大利即愈
內經刺灸狐疝且取足厥陰一經經云肝足厥陰之脈所
生病者狐疝是也隨其經盛虛寒熱陷下取之也
甲狐疝太衝主之 陰股內痛氣癰狐疝走上下引少腹
痛不可挽仰上下商丘主之 狐疝驚悸少氣巨缺主之
心婦人疝瘕結核疼痛發作無時日出穴夜入穴或重
即下稍輕即上此狐疝也 天共分 肘尖 五分小此
汗出則愈

診

氣海三寸又五換東西上下 中極三寸
耳後陷者腎下腎下則腰尻痛不可挽仰為狐疝診
產後少腹痛併見產後

閉瘕遺溺

閉瘕分二病

小便不通

淋

胎前淋閉

胎後淋閉

小便數

小便黃赤

遺溺

姙遺尿

產遺尿

遺尿者溺出不自知覺也閉瘕者溺閉不通而淋瀝滴點
也惟肝與腎三焦膀胱主之

肝脈督脈主之者經云肝足厥陰之脈過陰器所生病者
遺溺閉瘕又云督脈者女子入繫廷孔其孔溺孔之端也
其男子循室下至篡與女子等其生病瘕痔遺溺故遺溺
閉瘕皆取厥陰腧穴及督脈俞穴也

肝脈督脈
脈陰器

三焦約
下焦

三焦主之者經云三焦下脈在子足太陽之前少陽之後
出于膈中外廉名曰委陽足太陽絡也三焦者足太陽少
陽之所將太陽之別也上踝五寸別入貫膈腸出于委陽
並太陽之正入絡膀胱約下焦實則閉癃虛則遺溺遺溺
則補之閉癃則瀉之是也

膀胱藏

膀胱主之者經云膀胱不利為癃不約為遺溺是也然遺
溺閉癃不取膀胱腧穴者蓋膀胱但藏溺其出溺皆從三
焦及肝督脈也

閉癃分三病

久暴閉癃合而言之一病也分而言之有暴久之殊蓋閉者暴
病為溺閉點滴不出俗名小便不通是也癃者久病為溺
癃淋漓無滴而出一日數十次或百次名癃病是也今分
其病立為二門

小便不通

分
氣血之

小便不利在氣在血之異夫小便者足太陽膀胱所主
長生於申申者西方金也金能生水水者肺也肺中伏熱
水不能生是絕小便之源也人法象天地膀胱之源自頭
項下至於足故曰陽中之陰如渴而小便不通者肺不能
降是也治法皆用清燥金之正化氣味薄之藥茯苓猪苓
澤瀉琥珀燈心通草車前子瞿麥扁蓄之類皆為淡滲之
藥能瀉肺火而清肺金滋水之化源也若不渴熱在下焦
是絕其流而溺不泄也須用氣味俱厚陰中之陰藥治之
二者之病一居上焦在氣分而必渴一居下焦在血分而
不渴血中有濕故不渴也二者之殊至易分別耳
清肺散治渴而小便閉或黃或澀邪熱在氣分也

茯苓

猪苓

澤瀉

琥珀

分
熱在氣

茯苓

猪苓

琥珀

燈心仁

木通仁

通草仁

車前子一錢

瞿麥五

菖蒲七

桂五

右為末每服五錢水煎熱服五苓散八正散亦宜用之

仲猪苓湯治肺浮發熱渴而小便不利方見傷寒

五苓散治煩渴飲水過多或水入即吐心中淡淡小便

不利方親

茯苓戎鹽湯方

茯苓半斤

白朮二兩

戎鹽一兩

右三味為末白湯調下

面小便不通車前子草一片水三升煎取一升半分作三

服

分熱益

東滋腎丸治下焦陰虛脚膝軟無力陰浮陰痿足熱不能履地不渴而小便閉者邪熱在血分也

黃柏二兩酒洗

知母二兩酒洗

肉桂錢二

內經云熱者寒之又云腎蒸燥急食辛以潤之以黃柏之苦寒瀉熱補水潤燥故以為君以知母苦寒瀉腎火故以為佐肉桂辛熱寒因熱用也

右為細末熟水為丸如雞芫大每服百丸加至二百丸煎百沸湯下空心服昔長安有大賈王善天病小便

不通漸成中滿腹大堅硬如石壅塞之極腿脚腫脹破裂出黃水雙睛凸出晝夜不得眠飲食不下苦痛不可

名狀求予治之因問受病之始知病不渴近苦嘔穢眾醫皆用治中滿利小便滲淡之藥急難措手乃辭歸從

夜至且耿耿不寢窮究其理忽記素問有云無陽則陰無以生無陰則陽無以化又云膀胱州都之官津液藏

焉氣化則能出矣此病小便癃閉是無陰而陽氣不化者也凡利小便之藥皆淡味滲泄為陽止是氣藥陽中之陰非北方寒水陰中之陰助化者此乃秦越太過膏梁積熱損北方之陰腎水不足故膀胱腎之室久而乾涸小便不化火又逆上而為嘔噦非膈上所生也獨為關非格病也漢書老人曰熱在下焦填塞不便是治關格之法今病者內關外格之病悉具死在旦夕但治下焦可愈隨處以真北方寒水所化大苦寒氣味俱陰者黃柏知母桂為引用丸如桐子大沸湯下二百丸服藥少時須臾前陰如刀割火燒之痛溺出如瀑泉湧出臥具皆濕床下成流顧盼之間腫脹消散予驚喜曰大哉聖人之言豈可不遍覽而執一者也其証小便閉塞而不渴時見躁者是也凡諸病壅下焦皆不渴也二者之

病在氣在血最易分別

潔黃連丸治因服熱藥過小便不利諸藥真能效者或臍下痛不可忍者

黃連炒 黃柏炒 甘草各等分

右咬咀水煎溫服食前如更不通加知母此藥助氣使氣得化則通矣

羅白花散治小便不通膀胱有熱用朴硝不以多少為細末每服二錢煎茵香湯調下食前簡要先用茵香酒調導氣除燥湯治小便不通乃血濕致氣不通而竅澁之症

知母三分 黃柏四錢 滑石二錢 澤瀉三分
茯苓二錢 去皮

右和勻每服半兩水煎稍熱空心服如急閉小便不拘

時候

斗小便不通用蚯蚓杆以冷水攪過濃服半碗立通大解熱疾不知入事欲死者服之效

滑而腹
登為水
氣

仲小便不利者有永氣其人若渴括萎瞿麥丸主之

瓜萎根兩 茯苓 薯蕷兩三 附子一枚

未 瞿麥兩

右五味末煉蜜丸如桐子大服三九日三服不知增至七八丸以小便利腹中溫謂之知

氣鬱于
下微者
香以散

小便不通腹下痛狀如覆碗痛悶難忍者為腸胃乾涸中氣不下故經所謂膀胱者州都之官津液藏焉氣化則能出矣故臆中者臣使之官三焦相火腎為氣海也王註曰膀胱津液之府胞肉者之少腹處間毛內藏胞器若得氣海之氣施化則溲便注下氣海之氣不及則隱秘不通

其者吐
以提之

故不得便利也先用米香沉香各三錢酒調下或八正散甚則宜上瀉之令氣通達便自通利經所謂病在下上取之王註曰熱攻於上不利於下氣盛于上則溫辛散之苦以利之方煎陳皮茯苓湯調木
香沉香未服之空心下

丹小便不通屬氣虛血虛有實熱痰氣閉塞皆宜吐之以提其氣氣升則水自降蓋氣承載其水者也氣虛用參朮升麻等先服後吐或就參芪藥中調理吐之血虛用四物湯先服後吐或就芎歸湯探吐之痰多二陳湯先服後探吐之痰氣閉塞二陳湯加香附木通探吐之實熱當利之或用八正散蓋大便動則小便自通矣

丹治一男子小便不通用吐法一吐便如注論見治虛實法病在下取之上祿

無虧于
下微者

仲小便不利蒲灰散滑石白魚散茯苓戎鹽湯主之蒲灰
髮灰

輕劑行
本草消汚血滑石
丹溪云逐汚血

蒲灰散方

蒲灰七分恐節

滑石三分

右二味杵為散飲服五分方寸匕日三服

滑石白魚散方

滑石二分

亂髮二分

白魚二分衣

右三味杵為散飲服五分匕日三服

無髮灰散治臍下急滿小便不通用髮灰研細每用二錢

米醋二合調服下法與葵子等分為末飲服二錢訖即炒

黑荳葉蓋其上即通丹溪云髮髮補

甚者峻
劑破之

本桃仁煎治婦人積血頃在昆陵有一貴宦妻妾小便不

通臍腹脹痛不可忍眾醫皆作淋治如八正散之類數種

皆治不通病愈甚予診之曰此血瘕也非瞑眩藥不可去

予用此藥初服至日午大痛不可忍臥少頃下血塊如拳
者數枚小便如黑荳汁一二升痛止得愈此藥猛烈大峻
氣虛血弱者宜斟酌之

桃仁

大黃

朴硝各一兩

蜜虫半兩

右四味為末以醇醋二升半銀石器內慢火煎取一升

五合下天黃桃仁蜜虫等不往手攪良久出之丸如梧

子大前一日不晚食五更初溫酒吞下五丸日午取下

如赤荳汁或如雞肝蝦蟇衣狀未下再作如見鮮血即

止續以調血氣藥補之此方出千金此方不

右四方治汚血小便不利前三方輕劑可用後一方峻

劑須認得分曉用之

虛實

丹呂仲年六十六歲病傷寒得汗熱退後脉尚洪此洪脉
作虛脉論與入參黃芪白朮炙甘草當歸芍藥陳皮數日

其脉仍大未收欬又小便不通小腹下妨悶頗為所苦但仰臥則點滴而出予曰補藥服之未至前藥倍加黃芪人參大劑與服兩日小便方利

小腹痛脹如覆杯為實其法有二氣壅塞於下者用吐法以提之血汚於下者用桃仁之類以破之二方並見血氣條

雜方

世治小便閉用大田螺生去殼搗細封臍上即通 治傷寒後小便不通用生姜八九塊杵碎水十餘椀麻布五六尺同煎數沸用桶盛至候通手以布熨小腹良久恰用紅苧末一七江茶二七并花水調服神效小便如注

本治小便難小腹脹滿不急治殺人用葱白一斤細剉炒令熱以帕子裹分作兩處更替熨臍下即通

玄陰陽關格前後不通利大便小便自行中有轉胞之証諸藥不效無救則脹滿悶亂而死予曾以甘遂末水調補

臍下內以甘草節湯飲之藥汁至臍一藥相反而胞轉矣小水來如湧泉此救急之良法也

聖治小便難腹滿悶不急療之殺人用秦艽一兩去苗以水一大盞煎取七分去查每于食前作兩服瘥

世治小便不通用大杏仁二十一枚研水調分作二服效杏仁紫苑利小便解肺鬱鬱解則氣自降而小便去矣

千治婦人卒不得小便用紫苑末以并花水服三撮便通小便血五撮立止

外若小便不通數病而微腫方取陳筆頭一枚燒為灰和

水服之此方未詳經云腎合膀胱膀胱者津液之府也小腸屬腎腎上連肺故將兩藏三焦者中瀆之府也水液出焉是屬膀胱乃腎之府也又云膀胱者州都之官津液藏焉氣化則能出矣

運氣

由是言之膀胱藏水三焦出水治小便不利故刺灸法但取三焦穴不取膀胱也小腸屬腎肺故東垣用清肺飲子滋腎丸利小便便是也

運氣小便不利有三

其一屬濕邪攻三焦經云大陰在泉濕淫所勝疢小腹痛腫不得小便又云水不及曰涸流涸流之紀上宮與正宮同其病癃閉是也

其二屬風邪攻脾經云厥陰司夫風淫所勝病澹瘕泄水閉是也

其三屬燥熱經云陽明司夫之政天氣急地氣明民病癃閉初之氣其病小便黃赤甚則淋又云少陰司夫之政地氣肅天氣明二之氣其病淋是也

內經刺灸小便不利法有五

針灸

其一取肝經云肝足厥陰之脈所生病者癃閉又云小腹滿身寒熱小便不利取足厥陰又云癃取陰蹻及三毛上及血絡出血是也

其二取三焦經云三焦病者腹氣滿小腹丸堅不得小便窘急溢則水流即為脹候在足太陽之外大絡大絡在足太陽少陽之間亦見于脈取委陽又云小腹痛腫不得小便邪在三焦約取之太陽太絡大絡委陽視其絡脈與厥陰小絡結而血者當有取之十字是也

其三取腎絡經云足少陰之別名曰太鍾當踝後繞跟別走太陽其病實則癃閉取之所別也

其四取脾經云足太陰之脈所生病者澹瘕泄水閉視虛實寒熱陷下而施補瀉疾留灸也

其五雜取經云內閉不得洩刺足少陰太陽與臍骨上以

長針氣逆則取其太陰陽明厥陰其則取少陰陽明動者之經也

經治小便淋瀝或有血以赤根樓葱近根截一寸許安臍中上以艾灸七壯

羅治小便淋瀝不通用鹽不以多少炒熟填滿病人臍中却用艾如筋頭大灸七壯其小便自出

摘內陰谷關元八分令病人覺淋瀝三五次三陰交出密部關元為度便揉小腹却取下穴

撮小便閉數不通 陰谷一寸五分 陰陵泉瀉

標又法 偏歷 集小便閉不通 陰陵泉 陰谷 三陰交 氣海 關元灸三十壯刺二寸五分不也取下穴 太溪 陰交

東熱淋小便黃腹滿 陰陵泉 關元各二寸 氣衝二七

右淋不得小便 關元七壯 氣門 大敦各七壯 血淋

氣海 丹山各刺灸三七壯 小便熱痛目赤尿如血 列缺

沿皮 太陵 承漿各五分 又法 曲骨灸七壯 陰陽二

陵泉各二寸五分 甲少腹中滿熱閉不得溺足五里取之 溺難痛白濁卒

疝少腹腫欬逆嘔吐卒陰跳腰痛不可以俛仰面黑熱腹中臘滿身熱厥痛行間主之

癰遺溺臞髀痛小便難而白期門主之 陰胞有寒小便不利扶承主之

筋急身熱少腹堅腫少腹時滿小便難尻股寒髀樞痛外引季脇內控八竅委中主之 癰中竅主之 胸滿膨脹

然實則癰閉腋下腫虛則遺溺脚急兢兢然筋急痛不得大小便腰痛引腹不得俛仰委陽主之 小腹脹急小便

不利厥氣上頭顛滿谷主之 勞痺小便赤難前谷主之
千金云寒熱不節 腎病不可僥倖 氣
 瘰癧溺黃關元及陰陵泉主之
 瘰癧小便黃氣虛則遺溺石門主之 小便難竅中熱實則
 腹皮痛虛則瘰癧會陰主之

瘰即淋病

血之傷者補血

丹朱郎小便淋痛脉左大右濇此為勞傷經血勿作淋治
 可補血行肝經滯血自愈上

生地

當歸

赤芍各一錢

川芎三分

條芩三分

甘稍三分

陳皮五分

木通五分

黃栢二分

紅花大壹

杜牛膝錢一

右桃仁泥研滑石同煎待淋病去退滑石桃仁杜牛膝
 木通入川牛膝代木通分兩倍之

金華申明叔年踰七十因壯年躄患腎氣疝痛常食蒼

木烏附等藥二十餘年疝氣少止却患小便淋痛又十三
 年其間又服朴硝大黃治諸淋之藥百方俱試並無一效
 至是年春頸項帶右邊發一疽延及缺盆可又許不能食
 淋痛愈加必須叫號其瘡淫潰膿血淋漓精神困憊時正
 六月診其脉兩手濇短左微是弦狀輕重皆近五至予謂
 此瘡皆前烏附等藥積毒所發此淋亦因燥烈之藥凝積
 滯血滿膀胱况濇脉為敗血短脉為血耗遂令於溺後視
 之有物出如敗膿者否視之果然因思之忍痛則傷血叫
 則傷氣遂先治淋令取杜牛膝根莖葉同煎取濃汁却煎
 四物湯作大料與服三日後痛漸減前所謂敗膿者至是
 漸少五七日淋病全安此時瘡亦定蓋四物能生血也但
 飲食減少瘡未收斂耳遂用參芪當歸白朮四藥大劑於
 瓦器熬為膏以陳皮半夏縮砂木香煎取清汁調膏藥飲

遂能食又一月而瘡安 一方名血餘散治血淋內崩吐
血舌上出血便血用亂髮以皂角水洗净晒乾燒灰為末
每服二錢以茅根車前葉煎湯調下

斗治五種淋用苧麻根兩莖打碎水一椀半煎半碗頓服
即通太妙丹溪云苧根
補陰行滯血

博治五淋赤芍藥一兩枳榔一箇麩裹煨為末每一錢七
水一盞煎至七分空心服

氣虛者
兼補氣

氣虛淋八物湯加杜牛膝黃芩汁煎服老人氣虛亦能淋

參朮中加木通山梔

仁八姪淋病脉沉而大此主勞苦傷血下焦蘊結

人參

歸尾

白芍

香附五錢

條芩

木通三錢

山梔炒三錢半

黃芪五分

生甘草稍五分

分六帖杜牛膝湯兩盞煎取二盞食前熱飲之
胡雲六朝奉七十余因癩後悞與荊芥大黃等藥傷正氣
以致惡血結聚今則小便如淋中滿食少以此治之

生芪三錢

人參二錢

歸頭

白朮

陳皮一錢

作三帖煎服

又生氣藥

縮砂三錢

海金沙

紅麴二錢

檀香二錢

木香

白芷一錢

丁香一錢

分六帖研薏仁十四枚入生氣散

死血作淋牛膝膏妙但虛人能損胃不宜食

雜方

本治婦人諸般淋苦杖根俗呼杜牛膝多取洗净碎之以
一合用水五盞煎至二盞去渣入射香乳香少許研調下

鄞縣武尉耿夢得其內人患砂石淋者十三年矣每漩痛楚不可忍溺器中小便下砂石剝剝有聲百方不効偶有此方服之一夕而愈且所見也

用牛膝以酒煮服治小便淋痛肘後方用牛膝根莖葉亦以酒煮服治小便不利莖中痛欲死及治婦人血結堅痛如神蓋牛膝治淋之聖藥也但虛人當用補劑監治之耳

世茄樹散治放尿有血帶血線童子小便煎茄樹根汁服之効

羅琥珀散治五淋瀝澀痛小便有膿血出

琥珀研 海金砂研 沒藥研 蒲黃各研一

右研為細末每服三錢食前煎萱草根湯調下日三服黃明之小便澀莖中痛不可忍相引脇下痛制以茯苓琥

珀湯主之

川練子去枝 甘草生各 人參分五

玄胡索分七 茯苓分四 琥珀 澤瀉

歸稍 柴胡分各

右吹咀都作一服長流水三盞煎至一盞去渣溫服空心食前數服大効

治諸般砂石淋琥珀二錢研細空心用葱白頭濃煎湯調下無間諸般淋證一二服立効丹溪云琥珀古今方用者反受其滲急之苦耳本草琥珀消汚血極驗

無鹿角霜丸治膏淋

鹿角霜 白茯苓 秋石各分

右為末糊丸如桐子大每服五十九丸米飲下
圖治石淋導水用螻蛄一枚鹽二兩同于新瓦上鋪蓋焙

實熱

乾研末温酒調下二錢七服之即愈

靈藥治五種淋疾氣淋熱淋勞淋石淋及小便不通至甚者透膈散用硝石一兩不夾泥土雪白者研為末每服二錢諸淋各依湯使如勞倦虛損小便不出小腹急痛癸子煎湯下通後更須服補虛丸散血淋小便不出時下血疼痛並用冷水調下氣淋小腹滿急尿後常有餘瀝木通煎湯下石淋莖內痛尿不能出內引小腹膨脹急痛尿下砂石令人悶絕將藥末先入銚子內隔紙炒至紙焦為度再研令細用温水調下小便不通小麥湯下卒患諸淋並以冷水調下並空心先調使藥消散如水即服之更以湯使送下服藥未効者服此立愈

子和百亭劉十三之子年六歲病砂石淋戴人以苦劑三涌之以益腎散三下之立愈 鹿邑一閭閻之家有子二

十三歲病膏淋三年矣鄉中醫不能治往京師備訪多作虛損補以温燥灼以針艾無少減間戴人僑居滬東見戴人曰感蠱之疾也亦曰白淫實由少腹熱非虛也可以涌以泄其人以時暑憚其法峻不決者三日浮屠一僧曰予亦有暑病近覺頭痛戴人曰亦可涌願與君同之母畏之于是涌痰三升色如黑礬汁內有死血并黃綠水又瀉積穢數行尋覺病去方其來時面無血色及治畢次日面如醉戴人慮其暑月路遠又慮數方使歸以自備云 屈村張氏小兒年十四歲病約一年半矣得之夏秋發則小便大痛至握其峻跳躍旋轉號呼不已小便數日不得下下則成砂石大便秘澀肛門脫出一二寸諸醫不能治求治于戴人戴人曰今日治今日効時日在辰巳間矣以調胃承氣僅一兩加牽牛頭末二錢汲河水煎之令作三五度

咽之。又服苦末丸。如芥子許。六十九日。加哺。上漏下泄。一時齊出。有膿有血。涌泄既覺。定令飲新汲水。一大盞。小便已利。一二次矣。是夜凡飲新水。二三十遍。病去九分。止哭。一次。明日。因臥如醉。自晨至暮。猛然起。走索食。于毋歌笑。自得頓釋。所苦。繼以太白散。八正散等。調理。一日。大瘥。恐暑天失所。養留五日。而歸。戴人曰。此下焦約也。不吐不下。則下焦何以開。不令飲水。則小便何以利。大抵源清則流清也。苦末丸未詳考

丹 諸淋皆屬於熱。余每用黃栢滋腎丸。每百丸。用四物湯加甘草。稍杜牛膝。木通。桃仁。滑石。木香。煎湯。空心吞服。煎灸三陰。交如鼓。應桴。累試。累效者。
保 淋閱者。涼膈散。加滑石。四兩。茯苓。一兩。涼膈散方見治發熱
羅 石葦散。治腎氣不足。膀胱有熱。水道不通。淋瀝。不宜出。

少起數臍腹急痛。或尿如荳汁。或便出砂石。並皆治之。

木通 石葦 滑石各二兩 炙甘草

王不留行 當歸各一兩 白朮 瞿麥

芍藥 葵子各二兩

右為細末。每服二錢。小麥粥湯調下。空心服。一方加沉香陳皮。無滑石。瞿麥。白朮。木通。

本 治心經熱。小便澁。及治五淋。火府丹。

生地 木通 黃芩 甘草

右為細末。煉蜜。杵丸。如桐子大。每服二十粒。木通煎湯下。此藥治淋。澁臍下滿痛。

右二方。解熱利小便。兼補之劑。

無 石燕丸。治石淋多。因憂鬱。氣注下焦。結所食。鹹氣而成。令人小便砂痛。不可忍。出砂石。而後小便通。

石燕燒令通赤水中燒三日 滑石

石葦去毛 瞿麥穗各一兩

右為末糊丸桐子大煎瞿麥燈心湯下十九食前服日二三丸

羅海金沙散治小便淋瀝及下焦濕熱氣不施化或五種淋疾癢閉不通

海金沙研 木通 瞿麥穗 滑石

通草略半 杏仁湯洗去皮尖

右為細末入燈心同煎空心服

八正散治小便赤澀或淋閉不通及熱淋並宜服之

大黃麩裏 木通 瞿麥 滑石

蒲葯 車前子 山梔仁 甘草各九分

右為末入燈心同煎小兒少少與之

紫葳花散治小便淋瀝經驗葵花根一味洗淨剉水煎五

七沸服之立効味甘

世葛粉丸治男女淋病疼痛効速勿輕忽之

沙糖本草云治心 葛粉

和先如桐子大井花水化開一二丸

治血石淋楊樹蛙唇烏梅一大棗三木十盞煎服

靈苑治卒患諸淋遺澀不止小腸赤澀疼痛三葉酸漿草

人家園林亭檻中着地開黃花味酸者是取者淨洗研

紋自然汗一合用酒一合攪勻空心服之立通三葉酸漿草即布谷

飯詳見白帶門

無葎草汁治膏淋及尿血葎草搗汁二升醋二合和空腹

服一盞又濃煮汁飲亦治淋瀝尿血葎草俗名辣母藤又

止有

胞移熱于膀胱則癃溺血全文見診病傳變胞謂女子胞也

難痺論云胞痺者小腹膀胱按之內痛若沃以湯澀于小便上為清涕夫膀胱為州都之官津液藏焉氣化則能出矣今風寒濕邪氣客于胞中則氣不能化出故胞滿而水道不通其小腹膀胱按之內痛若沃以湯澀於小便以足太陽經其直行者上交巔入絡腦下灌鼻竅則為清涕也治胞痺小便不通腎着湯千金方同

亦茯苓去皮 白朮各四兩 甘草炙三兩 乾薑炮一兩

右為末每服五錢水二盞煎至一盞去渣溫服日三

茯苓丸治胞痺小便內痛

赤茯苓 防風 細辛 白朮

澤瀉 官桂各半兩 瓜蒌根 紫苑

附子 黃芪 芍藥 甘草炙各三錢

生地 牛膝酒 山萇 獨活

半夏湯浸 山茱萸各分

右十八味為細末煉蜜丸如桐子大每服十九溫酒送下食前

巴戟丸治胞痺臍腹痛小便不利

巴戟去心一兩半 桑螵蛸炒 遠志去心

生地 山萇 附子炮 續斷各兩

肉苁蓉酒浸各一兩 杜仲炙 石斛

鹿茸酥炙 龍骨 兔絲子 五味子

山茱萸 官桂各三錢

右十六味為細末煉蜜丸如桐子大溫酒下二十九空心食前

腎瀝湯治胞痺小腹急小便不利

雜方

桑白皮炒 犀角屑 杜仲炙去絲 五加皮
 麥門冬 木通 桔梗各一兩 赤芍藥五錢
 右八味為麤末每服五錢水一盞半羊腎一箇切竹瀝
 少許同煎去渣溫服
 諸淋皆屬于熱古方有冷淋蓋十白之一也今因胞痺屬
 風寒濕故主寒條
 無頭眩膏治諸淋疼痛不可忍受及砂石淋大蘿蔔切一
 指厚四五片好白蜜渣少時安淨鉄鏟上慢火炙乾又煎
 又炙盡蜜二兩番覆炙令香軟不可焦候蜜盡細嚼以鹽
 湯一盞送下立效
 聖治冷淋小腸不利莖中急痛用斛葉搗末每服一錢水
 一盞麥白七寸前六分去渣食前溫服
 崔療石淋便中有石子者胡桃肉一升細米煮漿粥一升

病禁

診

虛

相和頭服即瘥胡性熱
 運氣小便淋氣及針灸淋闕法並見小便淋闕門
 仲淋家不可發汗發汗則便血 淋之為病小便如粟狀
 小腹弦急痛引臍中
 腎脉滑實為瘕積 痺脉滑甚為瘕瘕全文見治虛實法
 脉少陰脉數婦人則陰中生瘕男子則氣淋
 素病有瘕者一日數十溲此不足也身熱如炭頸膺如格
 人迎躁盛喘息氣逆此有餘也太陰脉細微如髮者此不
 足也其病安在名為何病岐伯曰病在太陰其盛在胃頗
 在肺病名曰厥死不治奇病論○瘕病脉細不治
 胎前淋闕
 丹轉胞病胎婦受弱者憂悶多者性急躁者食味厚者
 太率有之古方皆用滑利疎導藥鮮有應効因思胞為胎

所歷展在一邊胞系了戾不通耳胎若舉起懸在中央胞
 系得疎水道自行然胎之墜下必有其由一日吳宅寵人
 患此脉之兩手似瀋重取則弦左手稍和予曰此得之憂
 患瀋為血少氣多弦為有飲血少則胞弱而不能自舉氣
 多有飲中焦不清而溢則胞知所避而就下故瀋遂以
 四物湯加參朮半夏陳皮生甘草生薑空心飲隨以指探
 喉中吐出藥汁候少頃氣定又與二貼次日亦然如是八
 貼而安此法果為的確恐偶中耳後有數人歷歷有効未
 知果何如耶仲景云婦人本肌盛頭舉身滿今反羸瘦頭
 舉中空臍胞系了戾亦致胞轉其義未詳必有能知之者
 一婦人四十一歲姪孕九箇月轉胞小便不出三日矣
 下急脚腫不堪存活來告急予往視之見其形悴脉之右
 瀋而左稍和此飽食而氣傷胎系弱不能自舉而下墜而

着膀胱偏在一邊氣急為其所閉所以水竅不能出也
 胞之病大率如此予遂製一方補血養氣血氣既正胎系
 自舉則不下墜方有安之理遂作人參當歸身尾白芍藥
 白朮帶白陳皮炙甘草半夏生薑煎湯濃與四貼任其丹
 噉至次早天明又與四貼藥香作一貼煎令頓飲之探喉
 令吐出此藥湯小便立通皆黑水後就此方加大腹皮枳
 殼青葱葉縮砂仁二十貼與之以防產前後之虛果得就
 孳平安產後亦健一婦人姪娠七八箇月患小便不通
 百醫不能利轉加急脹診其脉細弱予意其血氣虛弱不
 然水載其胎故胎重墜下壓住膀胱下口因此溺不得出
 若服補藥升扶胎起則自下藥力未至愈加急滿遂令一
 老婦用香油塗手自產門入托起其胎溺出如注脹急頓
 解一面却以人參黃芪升麻大劑煮服或小有急滿仍用

熱

手托放取溺如此三日後胎漸起小便如故

仲問曰婦人病飲食如故煩熱不得臥而反倚息者何也

師曰此名轉胞不得溺也以胞系了戾故致此病但利小

便則愈宜腎氣丸主之即八味丸九方見治法酒下

產療小便不通及胞轉桑螵蛸搗末米飲服方寸七日三

仲妊娠有水氣重身小便不利酒煎惡寒起即頭眩葵子

茯苓散主之

葵子 茯苓各三

右二味杵為散飲服方寸七日三服小便利則愈

妊娠小便難飲食如故歸母苦參丸主之

當歸 貝母 苦參各四

右三味末煉蜜丸如小葶大飲服三九加至十九男子

兩半

治妊娠患子淋猪苓五兩一味為末以白湯二合服方

寸七漸至一七且一夜

天治妊娠卒不得小便杏仁一味去皮尖搗丸如大葶葶

燈心湯吞七粒立利

丹朱宅婦人三十餘歲四箇月胎太小便閉因與通利冬

葵子等藥已通但氣未順此由性急血耗氣亂須和其氣

滋其血乃安

陳皮 青皮 芍藥錢 人參

歸身尾 川芎 地黃 白朮兩

茯苓 木通 甘草分二

針灸 甲小腸難水脹滿溺出少胞轉不得溺曲骨主之 胞轉

不得小便小腹滿關元主之

產後淋閉

汚血

無治產前後淋其法不同產前當安胎產後當去血瞿麥

蒲黃最為產後要藥

茅根湯治產後諸淋主之

白茅根

瞿麥

葵子

人參

蒲黃

桃膠

滑石

甘草

紫貝

石首魚枕石

右剉為散每服四錢水一盞半薑三片燈心二十莖煎

至七分去渣溫服亦可為末木通煎湯調下

六療產後小便不通用陳皮去白為末空心服酒調二錢

服便通

治產後小便不通腹脹如鼓悶亂不醒用鹽填臍中却以

葱白剉去粗皮十餘根作一縛切作一指厚安蓋上用大

艾炷滿葱餅上以火灸之覺熱氣入腹內即時便通神驗

小便數

救而少

中書石丞合孫病小便數而短晝夜約二十餘行

臍腸填滿腰脚沉痾不得安臥至春下旬一日奉勅治之

遂往診視脉得沉緩時時帶數常記小便不利有三不可

緊論若津液偏滲於腸胃大便泄瀉而小便澁少者一也

宜利而已若執搏下焦津液則濕熱不能行者二也必參

瀉則愈若脾胃氣澁不能通調水道下輸膀胱而化者三

也可順氣令施化而出今右丞平素膏梁濕熱內蓄不得

施行膀胱澁澁是以起頻而見少也非滲泄分利則不能

快利遂處方名曰茯苓琥珀湯內經曰甘緩而淡滲熱

搏津液內蓄臍腹脹滿當須緩之泄之必以甘淡為主遂

以茯苓為君甘寒滑以利澁澁者苓琥珀之淡以滲泄利

水道故以一味為臣脾惡濕濕氣內蓄則脾氣不舒益脾

勝濕必以苦為助故以甘草白朮為佐鹹入腎鹹味湧世為陰故用溼瀉之鹹以泄伏水腎惡燥急食辛以潤之津液不行以辛散之苦枝味辛散濕潤燥故以為便煎長流甘爛水德不助其腎氣大作湯劑令直達于下而急速也雨服減半旬日良愈

茯苓琥珀湯

茯苓

白朮

琥珀略半

甘草炙

桂去皮各三錢

澤瀉用一

滑石七錢

猪苓半

右為細末每服五錢煎長流甘爛水三盞調下空心食前待少時以美饌壓之

數而多為虛

食主下焦虛冷小便數損無力生薯蕷半斤刮去皮以刀切碎于鍋中煮酒沸下薯蕷不得攪待熟加鹽葱白更添酒空服二三盞妙

羅水芝丸治上焦真氣虛弱小便頻數日夜無度

蓮肉法反不以多少用好酒浸一兩宿猪肚一箇將酒浸蓮肉又中多半為度水煮熟取出蓮肉切焙乾

右為細末酒煮麵為丸如芡實大每服五十九米飲湯下食前

虛寒

世治夜少小便用益智子十四箇為末塩五分水一盞煎八分臨臥温服

本衛真湯治丈夫婦人元氣衰憊榮衛怯弱真陽不固三焦不和上盛下虛夜夢鬼交覺來益注面無精光唇口舌燥耳內蟬鳴腰痛背倦心氣虛乏精神不寧驚悸健忘飲食無味目漸瘦眩外腎濕痒夜多小便腰重疼痛引小腹痛足膝緩弱行步艱難婦人血海久冷經候不調或過期不至或一月兩來赤白帶下漏分五色子宮感寒久不成

孕並皆治之此藥大能生氣血遇夜半子時腎水旺極之際補腎實藏男子攝益化精諸病未萌之前皆能制治使不復為梗

當歸一兩酒

人參一兩

金釵石斛五兩

白茯苓

木香

肉苁蓉

山藥三兩

生地配

熟地溫水洗

丁香兩

青皮一兩

川牛膝二兩童便酒各半

右為細末每三大盞酒調下搥亦得空心食前一服婦人諸病童便同酒調空心下

又方治男子婦人一切虛冷之疾活益駐顏戒小便除盜汗治婦人久不生產似帶疾而非時有遺瀝並皆治之功驗不可具述

蒼朮切

川練子

茴香

吳茱萸湯

破故布

胡蘆配各一兩並炒

川姜

川烏

草烏配各一兩炮

山藥兩

右各炮治如法同為細末醋糊為丸如桐子大每服十五丸空心溫酒鹽湯任下婦人艾醋湯下日二服耳目永不昏聩髮不白

衍隣家有一男子小便日數十次如稠米泔色心神恍惚瘦瘠食減令服桑螵蛸散之終一劑而安此藥能安神魂定心志治健忘小便數補心氣用桑螵蛸遠志真蒲龍骨人參茯苓當歸龜甲醋炙已上各一兩為末以人參湯調下二錢

海蓋附石脂神砂丹治小便數而不禁怔忡多忘方見丹因看盧氏醫鏡見此一藥味數分同惟丹砂用伏火者及治病有差所治者小便數而不禁怔忡多忘方見

色不同耳見其不同審而詳之乃得此治法不差且論
之經言腎主大便肝主小便淋洩難經云小腸為赤腸是
面赤色及便溺色赤皆出心與小腸南方赤色顯於外也
經言下焦如瀆者正謂大小便也大便為陰為有形氣化
乃下焦之下者也謂腎主大便不言大腸者明子行艾道
為腎臟病小便為腸為無形氣化乃下焦之高者也謂肝
主小便淋洩亦是子行艾道為腑病凡諸無形氣化者皆
腑病所主諸有形氣化者皆臟病所主此二証俱在下焦
則同但有形無形及在腑在臟有殊俱是丹田衰敗不言
心火者以其相火代行君之政令故也網分之則膀胱
水勝丙火小腸者不傳大陰故為泄血泄血利不禁為
形質病且不傳陰則陰不病何為有形病此為陰之體也
為腑之用也天地陰陽互為體用以斯可見是明三臟者

醫家外集卷五

五

運氣

數而父
屬肺

為六腑所用六腑者為五臟所用明矣是有形皆為傳陰
也大小便不禁是膀胱不禁為遺溺此不傳陰也是丹由
胞絡受寒為壬所克大抵諸腑皆乘有形有病者皆在
腑責其所乘皆在臟也用伏火丹砂者去其寒性耳治法
同者以其俱在下焦補諸無形同在胞絡耳以其胞與腎
相對有渠相通故也腎主大便肝主小便所治安得不殊
經曰腎肝同歸一治又曰少陽主骨所生病便洩難勝
主筋所生病亦可知也小便不禁茯苓湯下大便不禁米
飲下此論局方姜附
神砂丹而發
運氣小便數皆屬火經云少陽之復便數憎風是也小便
數惟二藏有之
一屬肺經云肺手太陰之脈氣盛有餘則有背痠風寒汗
出中風小便數而欠是也以刺言之濕手太陰則愈

醫家外集卷五

五

夜臥多驚屬肝

針灸

玉

一屬肝經云足厥陰之瘕令人如瘕狀而小便不利又云肝痺者夜臥則驚多飲數亦便是也視虛實補瀉之則愈

東小便數腹痛

溺赤

便赤為熱

諸病水液渾濁皆屬於熱

脈濡脛冷為寒

小便黃無如黃柏知母効
一屬肝熱經云肝熱病者小便先黃是也
二屬胃實經云胃足陽明之脈氣盛則身已前皆熱其有

運氣

餘在胃則消穀善饑溺色黃是也
三屬肝虛經云肺手太陰之脈氣虛則有背痛寒少氣不足以息溺色變故耳
四屬腎虛經云冬脈者腎脈也冬脈不及則令人眇清脊痛小便變是也

一屬風經云厥陰之勝肢脇氣并化而為熱小便黃赤是也

針灸

二屬熱經云少陰司天熱淫所勝病溺色變又云少陽之勝溺赤善驚又云陽明司天燥氣下臨暴熱至乃暑陽氣鬱發小便變是也蓋暴熱請地氣少陰之熱也
邪之所在皆為不足中氣不足溲便為變變補足外踝下

留之虛實法

甲 小腸有熱濁赤黃中管主之 溺黃下廉主之 小便黃赤完骨主之 小便黃腸鳴相追逐上廉主之

遺溺

上臣 補氣

小便遺失者肺金虛也宜安臥養氣禁勞役以黃芪人參之類補之不愈當責有熱加黃柏生地甲乙云肺熱則少氣不足以息

卒遺失 無度

下虛 滲

下虛謂膀胱下焦虛經云水泉不止者是膀胱不藏也仲景云下焦竭則遺溺失使共氣不能自禁制不須治久則愈又云下焦不歸則遺洩世用桑螵蛸雞脬之類是也

尿

丹治遺溺桑螵蛸酒炒為末薑湯送下二錢妙
無鷄內金散治溺失禁鷄脬脰一具并腸洗淨燒為灰男用雌女用雄即是鷄脬內黃皮研為末每服三錢酒飲調服妙 又方用羊肚系盛水滿線縛兩頭煮熟取中水

頓服之瘥

虛寒

山 大人遺溺不知薔薇根細研酒下
丹鹿茸丸治文虛冷小便自濁滑數不禁

鹿茸

椒紅

桂

附子

牡蠣

石斛

補骨脂

肉蓯蓉

雞脬脰

沉香酪

桑螵蛸

溪取

右為末酒糊丸桐子大食前酒下三十九丸此方因沉香解諸澁故丹

汚血

又云鹿角屑炒黃為末溫酒下二錢妙本草云鹿角逐陰中邪氣惡血鹿茸丸方見虛條

寒結

熱甚客於腎部手足厥陰之經廷孔鬱結極甚而氣血不能宣通則痿痺神無所用故津液浚又膀胱而旋溺遺失不能收禁也經曰目得血而能視耳得血而能聽手指

得血而能攝掌得血而能握足得血而能走臟得血而能液腑得血而能氣然血所通流則氣亦然也氣血先行則其中神自清和而應機能為用矣故經曰血氣者人之神不可不謹養也故諸所運動時胃之則氣血通利而能為用閉塞之則氣血行微而其道不得通利故劣弱也若病熱極甚則鬱結而氣血不能宣通神無所用而不遂其機隨其鬱結之微甚而有不用之大小焉是故目鬱則不能視色耳鬱則不能聽聲鼻鬱則不能聞香臭舌鬱則不能知味至如筋痿骨痺諸所出不能為用皆鬱結之所致也

千金翼白微散治尿出不知時

白微本草云氣大寒

白芍藥各等分

右為末溫酒調下方寸匕日三服食前

嘗治一男子遺溺不覺脉洪大盛以黃柏知母杜牛膝

為君青皮甘草為臣木香為佐桂些少反佐服數貼大効此法與前白微散皆河間所謂熱甚延孔鬱結神無所用不能收禁之意也

神芩導水丸治遺尿有實熱者每百在空心白湯下若一服利止後服前法河間所謂延孔鬱結不能收禁此所謂淫氣遺溺痺聚在腎痺謂氣血不通宜也

無茯苓丸治心腎俱虛神志不守小便淋瀝不禁及遺泄白濁

赤茯苓 白茯苓

右為末以新汲水接洗澄去新沫控乾別取地黃汁同好酒銀石器內熬成膏搜和為丸如桐子大空心煎酒

世用薏苡仁鹽炒煎服効方見小兒

針灸

本燕薷草主眼中遺溺不覺燒令黑研水進方寸七亦主
噦氣即燕窠中草也

膀胱效者效而遺溺全文見效

針灸遺溺法有四

其一取肝其二取督脉其三取三焦並見遺溺閉脛門其
四取肺經云手太陰之别名曰列缺其病虛則欠故小便
遺數取之去腕一寸別走陽明者是也

東遺尿失禁 陰陵泉 陽陵泉二寸 大敦七 又方

曲骨 陰陽 二陵泉各二寸半

甲遺溺關門及神門委中主之 氣痿小便黃氣滿虛則

遺溺石門主之

肝脉微滑為遺溺全文見治法

妊娠遺尿

診

大白薇散治妊娠不知尿出時方見前

虛書一味桑螵蛸散治妊娠小便數不熱方見前 又方

用鷄尾毛燒灰末酒調方寸七方見前

產遺尿

無婦人產後產理不順致傷膀胱遺尿無時

丹膏見尿胞因收生者不謹以致破損而得淋瀝病遂為

廢疾一日有徐婦年壯難產得此因思肌肉破傷在外者

宜可補完胞雖在腹心亦可治遂診其脉虛甚予曰難產

之由多是氣虛產後血氣尤虛試與峻補因以參芪為君

芳歸為臣桃仁陳皮黃芪茯苓為佐煎以猪羊胞中湯極

饑時飲之但劑小率用二兩至一月而愈蓋合氣血驟長

其胞自完恐稍緩亦難成功矣

喬町婦人產後尿不禁面微浮畧發熱于午後此膀胱為

虛

坐落所傷

黃芪

歸身尾

芍藥各一錢半

白朮一錢

人參

陳皮五

甘草

右煎熱飲之

雲桑螵蛸散治產後小便數及遺尿

桑螵蛸三

鹿茸

黃芪各三

牡蠣煨

人參

赤石脂

厚丹各一

右為細末空心米飲調下三錢匕

又方

桑螵蛸炒

龍骨

右為細末米飲調下二錢空心

前陰諸疾

陰縮陰縱

陰痿陰汗

大

陰冷陰痒

陰痛陰吹

寒熱

前陰諸疾前陰所過之脈有二一曰肝脈二曰督脈經云
脈足厥陰之脈入毛中過陰器抵小腹是肝脈所過也又
云督脈者起於少腹以下骨中央女子入繫庭孔循陰器
男子循莖下至篡與女子等是督脈所過也

陰縮陰縱

陰縮謂前陰受寒入腹內也陰縱謂前陰受熱挺長不收
也經曰足厥陰之筋傷於寒則陰縮以傷於熱則縱挺不
收治在行水清陰氣是也

凡鮑兄二十餘歲玉莖挺長腫而痿皮塌常潤磨股不能
行兩脇氣上至足倦弱先以小柴胡加黃連太劑行其濕
熱畧加黃柏降其逆上之氣其挺腫漸收漸減及平但莖
中有堅塊未消遂以青皮一味為君佐以散風之劑未服
外以絲瓜汁調五倍子末傅而愈 平江王氏子年三十

針灸

診

歲忽陰挺長腫而痛脈數而實用針確刺芥湯浸洗又用
 三一承氣湯天下之愈
 內經刺灸前陰挺長之法有一經云足厥陰之別名曰蠶
 溝去內踝五寸別走少陽其病實則挺長取之所別是也
 明堂陰卵入腹 臍下六寸兩旁各二寸六分灸七
 內經診陰縮而死者皆屬肝傷經云肝悲哀動中則傷魂
 魂傷則狂妄不精不精則不止當陰縮而變筋兩脇骨不
 舉毛悴色夭死乎秋又云厥陰終者善瀉舌卷卵上縮是
 也

陰痿陰汗陰令陰臭

肝陰痿傷 陰痿皆耗散過度傷于肝筋所致經云足厥陰之經其病
 傷于內則不起是也
 陰汗 陰痿陰汗臊臭論云一當者前陰間管間臊臭又因連
 是為酒

溫熱

士濕制 腎治法

日飲酒腹中不和求于治之子應之曰夫前陰者足厥陰
 之脈絡陰器出其挺末真者心之所走散入于五五為臭
 入肝為臊臭此其一也當于肝經中瀉行間是治其本後
 於心經中瀉少衝以治其標如惡氣當用藥除之治法當
 求其本連日飲酒夫酒者氣味俱能生濕熱是風濕熱合
 於下焦為邪故經云下焦如瀆又云在下者引而竭之酒
 者是濕熱之水亦宜決前陰以去之是合于焦下法治之
 龍膽瀉肝湯治陰部時復濕痒有臊臭

柴胡稍

澤瀉各一

車前子

水通各五

當歸稍

龍膽草

生地各三

右判如麻苳大作二服水三大盞煎至一盞去渣稍熱
 服空心宿食消盡服便以美饌壓之柴胡入肝為引由
 澤瀉車前子木通其淡淡之味利小便亦除臊臭是各

在下者引而竭之生地黄草龍膽之苦寒瀉酒濕熱更
兼車前子之類以微肝中邪氣取去血用當歸以滋肝
中血不足也

固真湯治兩丸冷前陰痿弱陰汗如水小便後有餘滴腰
氣尻醫并前陰冷惡寒而喜熱膝亦冷正月內定此方

升麻

柴胡

羌活各一

甘草炙

澤瀉各半

草龍膽炒

知母炒

黃柏各二

右剉如麻豆大水二盞煎至一盞去渣稍熱空腹服以
美饍壓之

溫腎湯治面色痿黃身黃脚軟弱無力陰汗陰莖有赤色
二月定此方

麻黃分六

防風根五分

白朮錢

蒼朮半錢

澤瀉仁

猪苓

升麻

白茯苓

黃柏酒各一錢

柴胡稍分六

右件分作二服每服水二大盞煎至一盞去渣稍熱服
食前天晴明服之候一時辰許方食

補肝湯治前陰如冰冷并冷汗兩脚痿弱無力

黃芪分七

人參

葛根各三

甘草炙五

升麻分四

知母

柴胡

羌活

陳皮

歸身

黃柏炒

防風

白茯苓

澤瀉各二

蒼朮分五

麩末分

猪苓分四

連翹分二

右咬咀水二大盞煎至一盞去渣稍熱服食前忌酒濕
麩

清震湯治霍亂黃腫鼻淋瀝兩丸如水陰汗浸兩股陰頭赤
令正值十二月天寒凍冽霜雪文集寒之極矣

身熱者

升麻^五 柴胡^分 羌活^分 黃柏^酒

蒼朮^分 防風^分 甘草^分 藁本^分

紅花^分 歸身^分 猪苓^分 澤瀉

黃芩^分 麻黃^根 右劉如麻黃大都作一服水二大盞煎至三盞去查臨

臥服忌酒濕麵

柴胡勝濕湯治兩外腎冷兩脚樞陰注前陰痿弱陰囊濕

痺膿氣 澤瀉^半 羌活^半 升麻^半 生甘草

柴胡^錢 苒龍^錢 黃柏^錢 紅花^少

當歸^稍 麻黃 漢防已 茯苓^絡

五味子^箇

右咬咀水三升大盞煎至三盞去查稍熱服食前忌酒濕

麵房事

恒仲景八味丸治陽事多痿不振今依全方夏減桂附一

半春秋三停減一味去精足全減桂附只依大

腎脉太甘為陰痿見全文 運氣陰痿皆屬濕土制腎經云太陰司天濕氣下臨腎氣

上從陰痿氣衰而不舉是也

椒粉散治前陰兩丸濕痒秋多尤甚夏月減

麻黃^錢 黑狗脊^分 斑猫^箇 猪苓^分

肉桂^分 歸稍^分 輕粉^少 紅花^少

蛇床子^分 小椒^分

右為極細末參上避風寒濕冷處坐臥

丹腎囊濕痒先以吳茱萸煎湯洗之後用吳茱萸半兩寒

水石二錢黃柏二錢半獐狗蛇床子各半兩輕粉一錢白

醫通圖考

經

替三錢硫黃一錢換榔三錢白芷二錢為末糝之
有人陰冷漸漸冷氣入陰囊腫滿恐死日夜痛悶不得
眠取生椒擇之洗淨以布帛裹着丸囊令厚半寸須臾熱
氣大通日再易之取出瘥

本曾有人陰冷漸次冷氣入陰囊腫滿晝夜疼悶不得眠
煮大薊汁服立瘥
內經針灸陰暴疼痛足厥陰之別名曰蠶溝上內踝五寸
是也全文見針灸門

撮陰痿 關元 補 陰濕 陰合寸半
陰中濕痒外腎生瘡 海底在臍囊底十字文縫中灸海二十七壯
獨陰在足第二指節下橫文灸海二十七壯

陰冷陰腫陰痛陰吹
婦人陰腫腎痛枳實半斤切碎炒熱布裏包熨之冷即

易錄
交接勞復陰卵痛見勞復陰陽易
仲胃氣下泄陰吹而正喧此穀氣之實也膏髮煎導之左
黃疸
男子陰頭痛女子陰中痛 大敦
集陰莖虛痛 中極 太溪 三陰交 復溜已取血
郄 陰陵泉 關元 海底
甲婦人陰中痛少腹堅急痛陰陵泉主之 女子陰中寒
歸來主之

筋 轉筋 霍亂轉筋
歸來主之

經脈法
是太陽之筋起於足小指上結於踝邪上結于膝其下
循足外側結于踵上循跟結于膕其別者結于膝外上膕
中內廉與膕中并上結于膕上挾脊上項其支者別入結

于舌本其直者結于枕骨上頭下頰結于鼻其支者為目
上綱下結于頰其支者從腋後外廉結于肩髃其支者入
腋下上出缺盆上結于完骨其支者出缺盆邪上出于頰
其病小指支跟腫痛腫者反折項筋急有不舉腋支缺
盆中紐痛不可左右搖治在燔針劫刺以知為數以痛為
輸名曰仲春痺以知為數以痛為輸者言經筋病用燔針
如取經脈法有幾呼幾吸幾度之定數也但隨筋之痛
處為輸穴亦非如取經脈法有榮命經合之定穴也
足少陽之筋起于小指次指上結外踝上循脛外廉結于
膝外廉其支者別起外輔骨上走髀前者結于伏兔之上
後者結于尻其直者上乘少季脇上走腋前廉擊季膺乳
結于缺盆直者上出腋貫缺盆出太陽之前循耳後上頰
角支顛上下走頰上結于頰支者結于目眦為外維其病
小指次指支轉筋引膝外轉筋脈不可屈伸腫筋急前引

解後引死即上乘少季脇痛上引缺盆膺乳頸維筋急從
左之右右目不開上過右角並蹇脈而行左絡于右故傷
左角右足不用命曰維筋相交治在燔針劫刺以知為數
以痛為輸名曰孟春痺也
足陽明之筋起于中三指結于跗上邪然上加于輔骨上
結于膝外廉直上結于髀樞上循脇屬脊其直者上循髀
結于膝其支者結于外輔骨合少陽其直者上循伏兔上
結于髀繫于陰器上腹而布至缺盆而結上頰上掖口合
于頰下結于鼻上合于太陽太陽為目上綱陽明為目下
綱其支者從頰結于耳前其病足中指支脛轉筋脚跳堅
伏兔轉筋髀前腫癢心腹筋急引缺盆及頰卒口僻急者
目不合熱則筋縱目不開頰筋有寒則急引頰移口有熱
則筋弛縱緩不勝收故僻治之以馬膏膏其急者以白酒

和桂以塗其緩者以桑鈞鈞之即以至桑灰置之坎中高
下以坐藥以膏熨急煩且飲美酒噉炙炙肉不飲酒者自
強也為之三拊而已治在燔針劫刺以知為數以痛為輸
名曰季春痺治在燔針之上當有其病轉筋者五字如足
宜也手筋寒轉筋之病其筋熱緩縱者則不宜也○搏擊
也指也蓋治口喎僻之法以灸烘馬之脂膏熨其半邊急
者以白酒調和桂末塗其半邊緩者又以桑鈞鈞其口喎
之痺偏復於故處使高下相等復以水調生桑灰於鈞柄
之坎縫處連類塗之以收其緩其桑鈞柄別用線繫縛於
肩後使勿走作也復飲酒取肉使筋脈柔和以助外之塗
灸不飲酒者則自強其筋骨使正以手相拍其熱處也張
子和云左寒右熱則左急而右緩右寒左熱則右急而左
緩故偏于左者左寒右熱偏于右者右寒左熱夫寒不可
輕用辛熱之劑蓋左中寒則通熱于右右中寒則通熱于
左陽氣不得宣行故也

足太陰之筋起于大指之端內側上結于內踝其直者絡
于膝內輔骨上循陰股結于髀聚于陰器上腹結于臍循
腹裏結于助散於胃中其內者着於脊其病足大指支內
腓兩脇痛引膺中脊內痛治在燔針劫刺以知為數以痛
為輸名曰孟秋痺也

足少陰之筋起于小指之下並走太陰之筋邪走內踝之
下結于踵與太陽之筋合而上結于內輔之下並太陽之
筋而上循陰股結于陰器循脊內挾膂上至項結于枕骨
與足太陽之筋合其病足下轉筋及所過而結者皆痛及
轉筋病在此者主癩癧及瘡在外者不能挽在內者不能
仰故陽病者腰反折不能仰陰病者不能仰治在燔針劫
刺以知為數以痛為輸在內者熨引飲藥此筋折組組發
數甚者死不治名曰仲秋痺也

足厥陰之筋起于大指之上上結于內踝之前上循脛上
結內輔之下上循陰股結于陰器絡諸筋其病足大指支

內踝之前痛內輔痛陰股痛轉筋陰器不用傷於內則不起傷于寒則陰縮入傷于熱則縱挺不收治在行水清陰氣其病轉筋者治在燔針劫刺以知為數以痛為輸命曰季秋痺也

手太陽之筋起于小指之上結于腕上循臂內廉結于肘內銑骨之後彈之應小指之上入結于腋下其支者後走腋後廉上繞肩胛循脛出走太陽之前結于耳後完骨其支者入耳中直者出耳上下結于頤上屬目外眦其病小指支肘內銑骨後廉痛循臂陰入腋下腋下痛腋後廉痛統有脚引頸而痛應耳中鳴痛引頤目眩良久乃得視頸筋急則為筋瀆頭腫寒熱在頸者治在燔針劫刺以知為數以痛為輸其為腫者復而銑之本支者上曲牙循耳前屬目外眦上頤結于角其痛當所過者支轉筋治在燔針

劫刺以知為數以痛為輸名曰仲夏痺也

手少陽之筋起于小指次指之端結于腕上循臂結于肘上繞臑外廉上走頸合于太陽其支者當曲頰入繫舌本其支者上曲牙循耳前屬目外眦上乘頤結于角其病當所過者即支轉筋舌卷治在燔針劫刺以知為數以痛為輸名曰孟夏痺也

手陽明之筋起于大指次指之端結于腕上循臂上結于肘外上臑結于髑其支者繞肩胛挾脊直者從有髑上頰其支者上頰結于頰直者上出手太陽之前上左角絡頭下右頤其病當所過者支痛轉筋有不舉頤不可左右視治在燔針劫刺以知為數以痛為輸名曰孟夏痺也

手太陰之筋起于大指之上循指上行結于魚後行寸口外側上循臂結肘中上臑內廉入腋下出缺盆結有前髑

上結缺盆下結胃裏散貫貫合貫下抵至脇其病當所過者支轉筋痛甚成息黃瀉急吐血治在燔針劫刺以知為數以痛為輸名曰仲冬痺也

手心主之筋起于中指之內測結于銚骨上結肘內廉上臂陰結腋下散前後挾脇其支者入腋散貫中結于臂其病當所過者支轉筋前及胸痛息貫治在燔針劫刺以知為數以痛為輸名曰孟冬痺也

手少陰之筋起于小指之內測結于銚骨上結肘內廉上入腋交太陰挾乳裏結于胸中循臂下擊于臍膺當其病內急心承伏梁下為肘網其病當所過者支轉筋筋痛治在燔針劫刺以知為數以痛為輸其成伏梁唾血膿者死不治名曰季冬痺也名曰季冬痺也六字元誤在此後無用燔針之下字移在此經筋之病寒則反折筋急熱則筋弛縱不收陰痿不用陽

急則反折陰急則俛不伸燔刺者刺寒急也熱則筋縱不收無用燔針艾灸亦然今世不分寒熱

取無用燔針從皆用艾灸者未如此理也

足之陽明手之太陽筋急則口目為僻皆急不能卒視治皆如右方也俱見靈樞經筋篇

形樂志苦病生于筋治之以熨引全文見治法

諸筋病皆属于節經云諸筋者皆属于節又云手屈而不伸者病在筋是也

肝主諸筋經云肝主筋又云在臟為肝在體為筋又云酸生肝肝生筋筋生心是也

筋病忌風忌食酸辛忌久行經云風傷筋燥勝風酸傷筋辛勝酸又云酸走筋筋病無氣食酸又云多食辛則筋急而爪枯

又云久行傷筋是也

轉筋

血熱
丹轉筋皆屬血熱西物加黃芩紅花蒼朮南星有筋轉于

足太指轉止至太腿近腰結子乃因奉養厚飲酒感寒而
作加酒本紅花蒼木南星薑煎服

雜方 聖治肝虛轉筋用赤荻葉切作三合水下盞酒三合煎
至四合去渣溫分三服

孫尚藥治脚轉筋疼痛急絞節二兩細剉如米粒乳香
一錢右件藥用銀石器內慢火炒令焦只留三分性出火
毒研細每服十錢至二錢熱木瓜酒調下同是筋病皆治
之

外治轉筋取故綿以醃醋浸醃中蒸爇熟用綿裹病人脚
令更易勿停瘥止

仲轉筋之為病其臂脚直脉上卡行微弦轉筋入腹者鷄
屎白散主之 用鷄屎白一味為散取方寸匕以水六合和
溫服

針灸

診

皆作虛治

丹轉筋徧身入肚不忍者作極鹹鹽湯于槽中暖浸之

靈轉筋于陽治其陽轉筋于陰治其陰皆燔刺之四時氣

則經所謂以痛為輸之法蓋用火燒指針切刺轉筋之時
當察轉筋之痛在何處在陽刺陽在陰刺陰隨其所痛之
處刺之故曰以痛為輸也若以三針未知則再
刺之以知竟應效為度故曰以知為數是也

膏轉筋而疼灸承山而可治

足太陽之下血氣皆少則善轉筋踵下痛全文見
治法

霍亂轉筋

海吐瀉轉筋身執脉長陽明本病也宜和中外君子湯平

胃散建中湯方見治虛
寒氣虛每服一兩水三盞姜五片煎至二

盞去渣溫服 如吐瀉轉筋自汗脈浮者四君子加桂五

錢主之 如吐瀉轉筋脇下痛脉弦者宜建中加木瓜柴

胡湯平胃散加木瓜五錢亦可也

桂枝半兩 芍藥兩 甘草兩 膠飴半

生薑半兩 大棗枚 木瓜銜 柴胡銜

右劉如麻黃大每服一兩水三盞煮至三盞半去查下

膠飴兩匙煎化服如吐瀉後小便不通胃中實痛者

四君子湯加大黃二兩主之如吐瀉轉筋腹中痛體

重脈沉而細者宜四君子湯加芍藥高良姜湯四君子

湯四味各二兩芍藥良姜各五錢同煎法如吐瀉

霍亂四支拘急脈沉而遲者宜四君子湯加姜附厚朴

湯四君子四味各一兩生薑附子厚朴炮製各三錢同煎

服如吐瀉轉筋四支厥冷脈微緩者宜建中湯加附子當歸

桂枝兩 當歸二錢 芍藥二兩 甘草半兩
膠飴升 生薑兩 附子三錢 大棗枚

右圓煎服

治香薷散治非時霍亂大渴煩燥汗出轉筋疼痛不可忍

方見傷寒

丹怡六官霍亂泄多吐少口渴脚轉筋

滑石三錢 白朮二錢 蒼朮 厚朴

乾葛 陳皮各錢 甘草些 水通一錢

姜片

下保和丸四十粒

本霍亂轉筋香薷煮汁飲之無不瘥者

肘治霍亂心腹痛煩短氣未得吐下若轉筋燒梔子二十

枚研末熟水調下

不渴為寒保霍亂轉筋吐瀉不止宜半夏湯

半夏麴 茯苓 白朮各半兩 甘草炙

右為末渴者涼水下不渴溫水下無時如吐瀉不止身無汗者可與海痢門漿水散兼桂枝湯又可與白木湯

直指木瓜湯治霍亂吐瀉轉筋擾悶

木瓜 兩

茴香 二錢五分 微炒

甘草 二錢

吳茱萸 洗焙七次 二兩

右咬咀每服四錢水七盞半生姜五片烏梅少許煎溫服

活霍亂轉筋者用理中湯去木加附子一枚生用方見傷寒

本治霍亂吐瀉不止及轉筋諸藥不効者一粒青金丹

硫黃 研 兩

水銀 八錢

右二味銚子內炒柳木篦子不住手攪勻更以柳枝蘸

諸二下
効者寒
熱煎施

雜方

冷醋頻洒候如鉄色結如青金塊方成刮下再研如粉留小半為散餘以粽子尖三箇醋約半盞研稠稀得所成膏和丸如鷄頭大朱砂為末每服一丸煎丁香湯磨化下熱服如服散丁香湯調下一錢傷寒陰陽乘伏用龍腦冷水磨日二三服

標治霍亂轉筋皂角末一小豆許入鼻中則嚏便差

錄治霍亂轉筋取藜一把去兩頭以水二升半煎一升半頓服之

食治吐後轉筋煮木瓜汁飲之甚良

外治霍亂注瀉不止轉筋入腹欲死生姜二三兩搗破以酒一升煮三四沸頓服

世霍亂之症輕則上吐下瀉兩脚轉筋甚則遍躰轉筋腹肚疼痛手足厥冷若欲絕者倉卒之際宜于臍中灼艾及

針灸

用麥一把煎湯泡洗次投以姜附理中湯之類其脉洪大者易治脉微腎縮舌卷者不治

世霍亂轉筋灸承山二十七壯神效

又法中風亦灸承山

東霍亂轉筋在兩臂及胸堂中者筋物不及動搖

中府巨闕胃腕尺澤 大陰 七壯

甲霍亂轉筋金門僕參承山承筋主之

肝之合筋也其榮爪也

肝熱者色蒼而爪枯

多食辛則筋急而爪枯

醫學綱目卷十四終

